

記纂淵海

十四





# 婦翁 附妻母

**經**妻之父母何以總報之也儀禮喪服昏禮婿親迎見於舅姑

舅姑承子以授婿記坊記注舅姑妻之父為外舅妻之母

為外姑爾雅

**史**陳涉既為王妻之父往依焉陳王以眾賓待之長揖不

拜妻之父怒不辭而去通監秦婦父乃是翁比陳後外黃

富人女嫁張耳厚奉給耳史本光武謂倫曰聞卿過一作

婦公倫曰臣三娶妻皆無父後第五婦翁冰清傳華廩

有才妻父盧毓典選廩年三十五不得調晉女婿奈何不

敬婦翁通監

**傳**甘公之遇恭祖後漢太守之器伯珪魏志公孫王適

曰吾求婦氏久矣惟此翁可人意且聞其女賢不可以失

韓文王青城山為五岳之長故名丈人山青城山人婦翁今

適墓銘令岳謂妻之伯叔父為列岳往往因此又神仙傳曰太山

有老父失其姓名今人稱人婦翁亦曰太山不知何所據

**集**為愛丈人山杜

**本朝**俗呼人之妻父為岳丈以泰山有丈人峯丈人觀似

亦有理也而呼妻母為泰水此何義耶晉樂廣衛玠妻父

也時稱婦翁冰清女婿玉潤然則俗所謂岳丈當云樂丈

耳本朝孫將

# 婿

**經**婿何以總報之也儀禮喪子謂公治長可妻也以其子

妻之論南容三復白圭孔子以其兄之子妻之謂我舅

**史**趙有側室曰穿晉君之婚也左傳于鬯齊之贅婿

少婿本傳東齊間謂婿為倩史禮甚卑有子婿禮史張家

貧子壯則出贅西漢賈誼司徒袁隗欲為從女求姻見黃允

嘆曰得婿如是足矣允聞而黜遣其妻通鑑謝安婿王

國寶安惡其為人每抑而不用國寶乃譖安于道子使離

間之於帝晉武宇文泰諸子皆幼唯以諸婿為心膂世

女夫乃是兒例陳後女婿柰何不敬婦翁同回紇可汗上

書言今婿半子也唐獨孤郁權德輿之婿也上嘆郁之才

美曰德輿得婿我反不及耶唐憲武帝為晉陵主求婚王

珣曰謝琨雖不及真長不減王子敬帝曰如此便足會帝

崩袁山松欲以女妻之珣曰卿莫近禁巒晉書謝史官李漢

記百冊八

二

蔣係皆愈之子婿唐書路姚顛少恚時人莫之知司空圖

一見以為奇以女妻之五代

**傳**杜廣初為劉景旸卒景因問廣中一作申未知孰曲

有條章景謂妻曰為女求夫三年不覺旸中有麒麟於是

妻之春秋唐郭元振少美風姿宰相張嘉貞欲納為婿

曰吾五女各有姿色令人持一線慢前使子取便牽之得

者為婦元振牽一紅絲線得第三女開元李膺祖脩以鍾

瑾好學似我以膺妹妻之白孫雋與李元膺俱娶太尉相

焉女時人謂相兩女俱乘龍言得婿如龍也楚國先唐張

延賞選韋臯為婿臯性高不拘小節公侮之不禮臯乃辭

去後自金吾持節西川為延賞代公曰吾不識人郭圓有

詩曰當時甚訝張延賞不識韋臯是貴人雲楊玠娶博

陵崔季讓女崔家富圖籍殆將萬卷成婚之後頗亦遊其

書齋既而告人曰崔氏書被人盜盡曾不知崔遽令檢之玠  
捫腹曰已藏之經筵矣談陳忠女名豐隣人葛勃有美姿  
豐與村中數女相謂曰若得婚如葛勃無所恨也藝苑

**集**禁鬻去東林門闌多喜氣女婚近乘龍杜愈於處士妹

婚也韓文乃命長嗣為君半子劉禹人見東方騎皆言夫婿

殊軀建既傾南國貌遂坦東林腹覓得黔婁為妹婿鮑侍

**本朝**昔昌黎為唐儒宗得子婿李漢然後其文益振其道

益大語川廐下麒麟深知杜廣類

### 擇婿

**史**懿氏卜妻敬仲其妻占之曰喜是謂鳳凰于飛和鳴鏘鏘

左張負歸謂其子仲曰吾欲以女孫子陳平仲曰平貧不事

事負曰固有美如陳平而長貧者乎卒與女陳平袁隗見黃允

曰得婿如此人足矣後漢梁鴻尚節介鄉里家慕其高節多欲

女之儼陶謙年十四猶綴帛為幡乘竹馬而戲邑中兒童皆

隨之故蒼梧太守出遇之塗見其容貌異而呼之與語而

說因許以女夫人聞之怒曰陶家兒遠戲無度如何以女

許之公曰彼有奇度長必大成後果顯達遂妻之誤

太尉却鑒使人求婚於王道道令就東廂徧觀子弟歸曰

王氏諸少並佳聞信至各自矜持惟一人在東林坦腹食

獨若不聞鑒曰此正佳婿訪之乃義之也遂以女妻之本

後魏郭瑀有一女欲求一快婿訪之有年餘後遇劉炳曰

聞公求快女婿炳其人也公即許以妻之北

竇毅有女謂妻長公主曰此女才貌如此不可妄以草率

許人唐韓滉奇楊於陵謂其妻柳氏曰吾求佳婿無如於

陵因以妻之唐書其子嗣復傳載曰吾聞人多矣無如楊

多矣無如楊生種唐書楊於陵參軍裴寬義不以苞首汗

家時刺史韋詵有女擇所宜歸語曰嘗求佳婿今得矣

**傳記**温嶠姑劉氏囑嶠求婚嶠曰佳婿難得但如嶠比如

何姑曰何敢希汝比嶠數日白姑已得佳婿聲名盡不減嶠

因下玉鏡臺一枚姑大喜交禮女大笑曰吾固疑是老奴

**集**侯處士高曰吾以齟齬窮悴一女憐之必嫁官人不以

與凡子韓文王 適墓銘

**本朝**孫明復居泰山李文定**迪**守充就見之曰獨居誰事

左右不幸風雨飲食成疾吾弟之女甚賢可以奉箕帚先

生固辭文定曰吾女不妻先生不過一官人妻先生德高

天下幸婿李氏榮貴莫大於此先生曰宰相女不以妻公

侯貴戚而固以嫁寒谷衰老藜藿不充之人相國之賢古

無有也遂妻之燕水 燕水晏元獻為相求婚於范文正文正曰

公女必求國士無如富弼者元獻一見富公大愛重之即

議婚韓魏公知中山李清臣謁見其姪吏報曰太祝

方寢清臣為絕句曰公子乘閑卧絳厨白衣老吏慢寒儒

不知夢見周公否曾說當時吐哺無魏公見其詩曰吾知

此人久矣竟有東林之選青瑣 高議

# 僚婿

**譚公維私**注姊妹之夫瑣瑣姻亞詩節女子謂姊妹之

夫為私注兩婿相謂為亞注今江東人呼同

**子**彌子之妻與子路之妻兄弟也孟

**史**晉公子重耳取季隗以叔隗妻趙衰左傳嚴助家貧

為友婿富人所辱願為會稽太守於是拜之漢書周瑜得橋

公兩女皆國色也孫策自納大橋瑜納小橋吳周 孫策戲

瑜曰橋公二女得吾二人作婿亦足為歡上同

### 親迎

**經**之子于歸百兩御之詩鵲韓侯迎止于蹶之里百兩彭  
 彭八鸞鏘鏘韓親迎用昏韓曾子問曰親迎女在塗而  
 婿之父母死孔子曰女改服布深衣縞緦以趨喪曾子男  
 子親迎男先於女剛柔之義也特婿親迎授綏親之也  
 親之也者親之也郊特注言已親冕而親迎公主人  
 筵几於廟婿執鴈入揖讓升堂再拜奠鴈降出御婦車而  
 壻授綏御輪三周先俟于門外昏父親醮子而命之迎壻  
**禮**親迎之道重始也荀大親迎之禮父南鄉而立子北面  
 而跪醮而命之往迎爾相成我宗事荀

### 娶妻

**經**取妻不取同姓記曲賀取妻者曰某子使某聞子有客  
 使某羞同娶婦之家三日不舉樂思嗣親也三月而廟見  
 稱來婦也擇日而祭於禰成婦之義也荀子

**史**卓王孫分予文君錢百萬文君歸成都買田宅為富人

史同傳相如與卓氏婚饒於財史本

**集**不同牛女夜是配鳳凰年賈浪橋成烏鵲夜臺起鳳凰

年羅帷送上七香車寶翁迎歸九華帳王維

**本朝**華岳西臨降明星於玉女巫巫山南眺逢暮雨於陽臺

### 內表

**經**舅之子內傳曰何以緦從服也儀禮喪舅之子為

親迎 娶妻 內表

子有內弟之喪內表不飲酒食由郡人非之文中子

史阮瞻內兄潘岳每令鼓琴終日達夜無忤色晉書帝問董

子負椒奏臣舅之子李泌新唐書

集他鄉惟表弟還往莫辭遙杜

### 外表

經姑之子綱傳曰何以總報之也儀禮姑之子為甥儀禮

史王晏外弟尉氏阮孝緒知晏必敗屢至其門逃匿不見

嘗食醬美問知得於晏家吐而覆之通鑑齊孔紹安閉門

讀書數十萬言外兄虞世南嘆異之唐書

傳記太學博士周捨舉外弟徐摛曰形質陋小若不勝衣

而堪此選乃為晉安王侍讀魏書韋述元行冲之姑子述

好學貫穿經史事如指掌綴文操牘便成行冲大悅引之

同榻曰此吾外家之寶也續世說盧少傳弘正雷尚書簡求

弘正簡求皆趙璘姑之子時稱趙家出外甥因語

### 妻黨

史劉穆之好往妻兄弟家乞食多見辱江氏後有慶會屬

令勿來穆之猶往食畢求擯榔兄弟戲之曰擯榔消食君

乃常飢何忽須此妻市肴饌為其兄弟以餉穆之為丹陽

尹召妻兄弟乃令厨人以金拌貯擯榔一斛以進之宋書

何充廬江人王導妻姊之子故少與王導善早為顯官嘗

誦導舍導以麈尾指牀呼充共坐曰此是君坐也晉書柳勣與

妻族不協欲陷之為飛語勣杖死通鑑

記纂淵海卷第一百單八

外表 妻黨



師

德無常師主善為師書師以賢得民禮大古者士見於

師以柔為贄禮注大禮聞來學不聞往教禮記曲席間函文禮

善待問者如撞鍾叩之以小者則小鳴叩之以大者則大

鳴李記師嚴然後道尊大學之禮雖詔於天子無北面

所以尊師也善學者師逸而功倍不善學者師勞而功

半能博喻然後能為師記問之學不足以為人師必

也其聽語乎力不能問然後語之語之而不知雖舍之可

也學者有四失教者必知之人之學也或失則多或失

則寡或失則易或失則止此四者心之莫同也知其心然

後能救其失也教也者長善而救其失者也並同孔子之

喪門人疑所服子貢曰昔者夫子之喪顏淵若喪子而無

服喪子路亦然請喪夫子若喪父而無服檀弓孔子之喪

二子皆經而出事師無犯無隱左右就養無方服勤

至死心喪三年同人其父生而師教之邇師也者教之以

事而喻諸德者也文王夫子循循然善誘人語三人行必

有我師焉溫故而知新可以為師矣並同

孔子曰吾聞老聃博古知今通禮樂之原明道德之歸

則吾師也吾將往矣家語子夏教於西河之上同夫子之

設科也往者不追來者不拒孟故人無師而知則必為

盜勇則必為賊能則必為亂察則必為怪辯則必為誕有

師而知則速通勇則速威能則速成察則速盡辨則速論

故有師者人之大寶無師者人之大殃也荀尊嚴而尊

可以為師者文而信可以為師誦說而不陵不犯可以為師知微而論可以為師師術有四而博習不與焉致務學不如務求師師者人之模範也一卷之書必立之師揚學師之貴也知大知也小知之師亦賤矣同賈瓊曰夫子既十五為人師陳留王孝逸先達之傲者也然白首北面豈以年乎立命

**史**孔子退而修詩書禮樂弟子彌眾至自遠方莫不受業

焉史世下惟講誦弟子莫見其面西漢董仲舒傳師友淵源所漸

也同師友必於天下英俊傳疑傳都授謂魏方進傳注曰都授

韓信得廣武君東鄉坐師事之傳李固少好學步行尋

師不遠千里傳牟長為博士諸生講學者常有千餘人著

錄前後萬人東漢儒馬融才高博學為世通儒教養諸生

常有千數涿郡盧植北海鄭玄皆其徒也傳太守黃讜署

戶曹吏欲召咸入授其子咸曰禮有來學而無往教讜遂

遣其子師之傳咸孔奮少從劉歆受春秋左氏傳歆稱之

謂門人曰吾已從君魚受道矣傳奮者名高義開門受徒

者編牒不下萬人後儒邊韶教授數百人嘗晝臥弟子私

嘲之韶曰師而可嘲出何典記傳青成醫謝青師何常在

明經北李魏常爽門徒七百餘人京師學業翕然後興立

訓甚嚴有勸罰之科弟子事之若嚴君焉傳文中子著六

經北面受學者皆當時偉人隋陽城遠近慕其行來學者

跡接于道唐經愈指授皆稱韓門弟子韓愈陽城為司業

出為道州刺史太學諸生何蕃等頓首闕下請留數日為

吏遮抑不得上傳

**傳**馬融嘗坐高堂施絳帳前授生徒後列女樂東觀吳

商學通五經四方擔囊負笠不可勝數吳記槐市在華岳

西北谷揚震講授學徒成市其處多槐故號焉華山揚雄  
死弟子共為起冢號曰揚冢七畧

**集** 聲名塞於天淵真吾徒之師表也班固德無常師道在

則是居賦師氏之選允歸人範斯弘洙泗之風同以其餘

易其不足亦可交以為師矣文柳馬融鄭玄者二子獨章句

師耳論師道書假令有取亦不敢為人師為眾人師且

不敢况敢為吾子師乎柳谷韓愈作師說因抗顏而為

師同諸生業患不能精無患有司之不明行患不能成無

患有司之不公韓文進仰執事坐師氏之筵唐田弘正古

之學者必有師師者所以傳道受業解惑也人非生而知

之孰能無惑惑而不從師其為惑也終不解矣生乎吾前

其聞道也固先乎吾吾從而師之生乎吾後其聞道也亦

先乎吾吾從而師之吾師道也夫庸知其年之先後生於

吾乎是故無貴無賤無長無少道之所存師之所存也聖

人無常師長弘師襄老聃郊子之徒其賢不及孔子孔子

曰三人行必有我師故弟子不必不如師師不必賢於弟

子聞道有先後術業有專攻如是而已韓文漢氏已來師

道日微然時猶有授經傳業者及于今則無聞矣陳文

子紹明王道游其門皆天下俊傑劉禹錫撰王

**本朝**聚徒從妙齡所至變鄰魯僧參寥

# 門弟

**經** 三千之徒並受其義書善學者師逸而功倍又從而庸

之不善學者師勤而功半又從而怨之記李夫子之喪顏

淵若喪子而無服喪子路亦然檀弓

**子** 仲尼既沒弟子行心喪之禮三年家語昔者孔子沒三年

之外門人治任將歸相鄉而哭皆失聲子貢反築室於場  
獨居三年然後歸孟勝紀昌學射於飛衛既盡衛之術相

遇於野二人交射中途矢鋒相觸墜於地而塵不揚列甘  
蠅學射於飛衛飛衛高蹈拊膺曰汝得之矣同上弟子通利

則思師何致命誦誦之學各習其師揚夫子十五為人師王  
孝逸白首北面文命中房杜諸公不能臻師之美大宣其

教王氏續經抑而不振若房杜李魏二温王陳輩迭為將  
相實永三百年之業斯門人之功過半矣中說門人自遠

而至董常姚義杜淹李靖程元實威薛收賈瓊房元齡魏  
證温大雅陳叔達咸稱師北面而受王佐之道焉如往來

受業者不可勝數蓋千餘人世門人實威賈瓊姚義受禮  
温彦博杜如晦陳叔達受樂杜淹房喬魏證受書李靖薛

方士裴晞王珪受詩叔恬受元經董常仇璋薛收程元備  
四

聞六經之義中先君門人布在廊廟王福時  
史自孔子卒七十子之徒散游諸侯大者為師傅卿相小

者友教士大夫或隱而不見史託儒申公弟子為博士者  
十餘人孔安國至臨淮太守周羈夏寬為內史魯賜至東

海太守繆生內史徐偃中尉上受業子思之門孟軻齊人  
以詩顯貴皆轅固之弟子也 孔子弟子身通六藝七十

有二人世孔子以詩書禮樂教弟子同上易汝南應劭  
自贊於鄭玄曰故太山太守應仲遠北面稱弟子何如棘

鄭玄傳蕭望之詣太常受業如弟子西漢本河南太守吳公與  
李斯同邑嘗學事焉賈誼侯邑從揚雄受太玄法言雄卒

邑為起墳喪之二年揚雄于定國迎師學春秋北面備弟  
子禮本求謝師門後旦門人却慮至御史大夫王基崔琰

著名於世鄭玄田何受易於丁寬學成東歸何謂門人曰

門弟

易東矣傳邊韶教數百人弟子嘲之曰邊孝先腹便便懶讀書但欲眠鄭玄事馬融門下三年不得見使高業弟子傳授於玄玄日夜尋誦聞玄善算召見於樓上玄因從質諸疑議問畢辭歸融喟然謂門人曰鄭生今去吾道東矣鄭玄孫期遠人從其學者皆執經壟畔以追之傳孔奮少從劉歆受春秋左氏傳歆稱之謂門人曰吾已從君魚受道矣漢延篤為平陽相以師喪棄官奔赴傳執經下座北面受業梁賈島劉義皆韓門弟子盧全沈重講學受業徐曠從之不數日辭去曰先生何說紙上語耳若奧境彼有所未見者唐

**傳記**王羲之見前代筆說於其父枕中竊而讀之不數月書大進衛夫人見流涕曰此子必蔽吾名詳欣筆衛有弟子王逸少甚能學衛真書咄咄逼人性

**集**宮墻重仞允得其門遊鄺有弟子不必如師韓籍湜輩

雖屢指教不知能果叛去否谷孟簡從師負笈駱賓嘗聞

馬南郡門下有康城劉長心增故術腹飽新授劉賓操筆

醫門掬溜蘭室柳宗元敬鄒夫脩擁篲之禮唐田弘

**本朝**編牒師門類胡安定先生弟子散在四方隨其人賢

愚皆循循雅飭其言談舉止遇之不問可知為先生弟子

胡安定范質即和凝門生先是門生坐主榜上名次第同

者謂之衣鉢和之名次范入承之和為相封魯公終太傅

范亦封魯公終太傅實為傳衣付鉢而得心印也嵩陽叟

撰紀異錄又  
名洛中紀異

# 座主

**經**管仲遇盜取二人焉上以為公臣管仲死相公使為之

服雜記趙文子所舉於晉國管庫之士七十有餘家生不交利死不屬其子焉檀弓

**史**趙宣子舉韓獻子於靈公以為司馬河曲之役宣子使人以其乘車于行獻子戮之宣子曰可賀我矣吾舉厥而

中吾乃知免於罪矣譚應侯任鄭安平王稽皆負重罪於秦蔡澤范雎任鄭安平王使將擊趙安平降趙應侯席

藁請罪秦之法任人而所任不善者各以其罪罪之鮑睢何武舉方正之士召見盤辟雅拜有司劾失舉軾宋弘薦桓譚帝令譚鼓琴愛其擊聲弘聞之不悅伺譚內出正朝

服坐府上遣吏召之譚至不與席而讓之且曰能自改耶將令相舉以法乎譚頓首謝辭良久乃遣之後帝使譚鼓

琴譚見弘失其常度怪而問之弘乃離席免冠謝曰臣所以薦桓者望能以忠直導主而令朝廷耽悅鄭聲臣之罪

也通鑑東漢李冲初薦李彪既彪自以結知人主不復籍冲稍踈之唯公坐歛衽而已無復崇敬之意冲浸銜之乃

積其前後過惡禁彪於尚書省上表劾彪專恣無忌尊已忽物聽其言如振古忠恕之賢接校一作其行實天下佞暴

之賊紀翰林學士兩省舉官令錄除官之日乃署舉者姓名若貪穢敗官並當連坐五代周世宗本紀初郡將范津薦傅燮

及津為漢陽與燮交代合符始得而出傳燮袁氏樹恩四世門生遍於天下魏志袁却說為尚書左丞推奏擢吏部

尚書崔洪洪曰舉說而還奏我此所謂挽弓自授蟠嚴綬統臨三鎮皆號雄藩綬所辟士親覩於將相者九人唐書錢

徽舉送覆試多不中選賈餗三典貢舉多得名卿宰相軾馮裔孫即裴皞門生清泰初裔孫知舉放榜後引

進士謝皞皞書一絕曰官塗最重是文衡天與愚夫立盛

盛名三主禮闈今八十門生門下見門生五代晉相桑維翰裴皞門生嘗謁皞皞不迎不送或問之荅云皞見維翰於中書則庶僚也維翰見皞於私館則門生也何迎送之有五代史

**傳記**杜審權大中十二年知舉放盧處權有戲之曰坐主

審權門生處權麟符二年崔沆放崔澐談者稱座主門生

沆澐一氣南唐書唐李逢吉知貢舉榜未放而入相及第人

就中書見座主因話錄鄭薰主文誤謂顏標乃魯公之後以

為狀元或嘲之曰主司頭腦太冬烘錯認顏標一作魯

公譙狀元已下到主司宅下馬綴行而立歛名紙通呈與

舉主對拜主事云謝衣鉢燕言

**集**手持文柄高眠寰海劉禹一日聲名遍天下滿城桃李

屬春官劉賓客貞元中奏詔考定賢良章澤之士昇名者十

七

七人及禮部擢進士第者七十有二鸞鳳杞梓舉集權公

之門所擢登輔相之位者前後十人揚嗣復撰權使操刈

楚之柄權德輿集

**本朝**欲知君得人失者亦稱善東坡

記纂淵海卷第一百單九

門生

**史**鄭弘為太尉時舉將第五倫為司空班次在下每正朔朝見弘曲躬而自卑帝問知其故遂聽置雲母屏風分隔其間漢東天下之人非家吏則門生也吳志孫策與袁術書宋弘薦巨譚帝令譚鼓琴愛其繁聲宋弘聞之不悅伺譚內出正朝服坐府上遣吏召之譚至不與席而讓之且曰能自改耶將令相舉以法乎譚頓首辭謝良久乃遣之後帝使譚鼓琴譚見弘失其常度帝怪而問之弘乃離席免冠謝曰臣所以薦巨譚者望能以忠正導主而令朝廷耽悅鄭聲臣之罪也通鑑東揚震門生虞放陳翼詣闕追訟震事詔除

震二子為郎

漢紀

馮裔孫裴皞門生也清泰初裔孫知舉引

新進士謁謝皞皞曰門生門下見門生

五代史

**傳**唐李逢吉知貢舉榜未放而入相及第人就中書見

座主時謂好腳跡門生

因話錄

**集**凡號門生而不知恩之所自者非人也佛商山老皓雖

休去終是留侯門下人

白傳

令公桃李滿天下何用堂前

更種花同上至今青雲人猶是門下客高逵徐孺子於舉主

之喪徒步千里而行一祭唐崔祐甫廣鸞鳳杞梓舉集權

公之門

唐楊嗣復作

門館舊桃蹊

劉長

**本朝**李翰於和凝榜及第後與座主同任學士凝作相翰

為承旨適當批詔次日於玉堂輒開和相舊閣悉取圖書

器玩留詩云座主登庸歸鳳閣門生批詔主鰲頭玉堂舊

閣多珍玩可作西齋潤筆不玉壺清話



# 故吏

**史**胡廣與故吏陳蕃陳咸並為三司蕃每朝會稱疾避廣

時人榮之漢梁冀乘勢橫暴所在怨毒朱穆自以冀故吏

奏記諫不納通鑑漢劉晏沒後掌財賦有聲者多晏之故

吏也唐德宗紀吉黃為長陵令時科禁長吏擅去官黃聞司徒

趙溫愛自以為故吏違科奔喪魏志常袁氏植恩四世舊

吏遍於天下表殷浩被黜放卒故吏顧悅之上疏訟浩

疏奏追復浩本官晉史劉晏為度支鹽鐵轉運使其商推

財用之術者皆一時之選故沒後二十餘年韓洵元琇裴

腆包佶盧貞李衡相繼分掌財賦皆晏門下唐史

**傳記**鄧訓故吏念訓常所服藥北州少之又知訓好青泥

封書從黎陽步推鹿車於洛陽市藥還過趙國易陽并載

青泥至上谷遺訓其得人心如是東觀漢記見王戎故吏

多至大官相逢戎輒下道避之竹林七賢論

**本朝**故吏滿諸方亦城

# 官長

**子**聖人用之則為官長老子知其雄章

**史**黃霸守潁川許丞老病聾督郵白欲去之霸曰許丞雖

老尚能拜起送迎重聽何傷且善助之母失賢者意西漢

陳遵入公府日出醉歸曹事數廢西曹請斥之大司徒馬

宮重遵謂西曹曰此人大度士奈何以小文責之本傳光武

戒任延曰善事上官通鑑光武紀婁師德調江都尉揚州長

盧承業異之曰子台輔器也當以子孫相諉詎論僚屬吏

哉唐史本傳

**傳記**牛奇章公帥維揚杜牧在幕中夜微服逸游後牧以拾遺召公以縱逸為戒牧始隱諱公取一篋皆街子報帖云杜書記平善錄田

**集**裏以章服揖拜上官秘康絕賀其得賢主人韓拜迎官長心欲碎唐文粹

**本朝**自言官長如靈運坡

# 僚屬

**經**惟暨乃僚罔不同心書說六卿分職各帥其屬調謹簡

乃僚調其屬六十禮小一曰官屬以舉邦治鞅以官府之

六屬舉邦治禮小

**史**參代何為相擇郡縣吏長大訥於文辭謹厚長者為史言文刻深欲務聲名輒斥去之西漢曹參傳幽州牧朱浮年少

記百二十

三

有俊才欲厲風迹收士心辟召州中名宿皆引置幕府通

漢光武梁商為大將軍辟漢陽巨覽上黨陳龜為掾屬李固

為從事中郎楊倫為長史漢瑯琊王睿辟掾屬百餘人

時人謂之百六掾晉懷郗超常為巨温謀主謝安與王坦

之見温温使超卧帳中聽其言風動帳開安笑曰郗生可

謂入幕之賓矣晉簡宜數引見佐史相見不數則彼我不

親不親無因得盡人情人情不盡復何由知眾事也宋太

房元齡收采人物置之幕府唐高馬燧為河東節度使辟

兗州人張建封為判官唐代路巖佐崔鉉於淮南為支使

不十年至宰相唐懿鄭從謹充河東節度使自擇參佐從

讜奏以長安令王調為節度副使前兵部員外郎史館修

撰劉崇龜為節度判官前進士劉崇魯為推官人謂之小

朝廷三名士之多也唐韓滉在二浙所辟僚佐各

僚屬

隨所長無不得人唐德貞元二年並通鑑竇憲平匈奴班固傳毅之

徒皆置幕府以典文章東漢本傳晉陶侃鎮武昌軍殷浩更翼

等皆為佐史時武昌號為多士晉陶侃傳更亮在武昌諸佐史

商浩之徒登南樓不覺亮至諸人將起避之亮曰諸君少

住老子於此興復不淺便據胡床而坐與浩等談詠杜

恕舉劉毅為功曹月餘日三魏稱焉為之語曰但聞劉功

曹不聞杜府曹王隱巨温遊龍山僚佐畢集有風吹孟嘉

帽隨嘉不之竟孟嘉傳羊祜開府累年謙讓不辟士始有所

命會卒不得除署名故參佐劉僧等咸詣杜預曰生前所

辟之士便當隨例放棄者乎乞蒙列上本傳陶侃見諸參佐

或以談戲廢事乃取其擣蒲戲具悉以投于江醉殷浩善

玄言征西將軍庾亮引為記室參軍本傳晉書王徽之有俊

記百十

四

有獨擅一車不容國士乎世太祖以陳琳阮瑀管記室軍

國書檄多琳所作鍾會以中郎任大將軍管記室事為心

腹之任時人謂之子房志王儉用庾杲之為衛將軍長史

蕭緬與儉書盛府元僚每難其選庾景行泛綠水依芙蓉

何其麗也時人以儉府為蓮花池故緬書美之南史齊庾

蔡興宗謂諸子曰沈記室人倫師表宜善師之魏約元稹

長於詩書在越時辟竇鞏鞏工於詩與之酬和號蘭亭絕

唱唐本傳許孟谷韓愈皆奏署幕府有文章傳于時張建烏

重胤待官屬有禮當時有名士如温造石洪皆在幕府本傳

烏重胤鎮河陽求賢者以自重本傳幕府六十餘人後皆為

將相顯官魏子晏部吏在千里奉教如目前裴度充

淮西宣慰招討處置使仍以刑部尚書馬摠為副太子左

庶子韓愈為彰義行軍司馬司勳員外郎李正封都官員

外郎馮宿禮部員外郎李宗閔等為兩史判官書記裴度

令狐楚為太原掌書記鄭儋在鎮暴卒不及指搗後事軍

中喧譁將變夜忽數十騎持刃迫楚至軍門諸將邀之令

草遺表楚在白刃之中搦管立成讀示三軍無不感泣由

是名重唐書薛收與房杜處腹心之寄薛元敬謹畏未嘗申

款曲如晦曰小記室不可得而親不可得而踈新唐書左

肅機皇甫公義檢校沛王府長史引韋思謙為同府倉曹

謂思謙曰公豈池中之物屈公為數旬之客以望此府唐書

書韋思謙傳新唐書云以重吾府尚父之帥河中也咸寧郡王渾公佐之

不十年按控數州繼踐台庭郭子儀家傳婁師德調江都尉楊

州長史盧承業異之曰子台輔器也當以子孫相諉詎論

僚吏哉裴度辟皇甫湜為判官度修福先寺將立碑求

文於白居易湜怒曰近捨湜而遠取居易請從此辭並唐書

五

**傳記**歷城北有使君林魏正始中鄭公愨於三伏之際率

賓僚避暑于此取大荷葉盛酒以簪刺令與柄通屈莖上

輪困如象鼻傳喻之名為碧甯歷下皆效之酒味雜蓮氣

香冷勝於他耐張君房太傅府有二才裴邈清才潘陽仲

大才劉慶孫長才林語

**集**婉婉幕中畫謝宣遠張襄陽幕府天下異杜入幕如孫

楚雲幕隨開門同宜在上位託於幕府韓文與書記之

任亦難矣元戎總齊三軍之事統理所部之吐以鎮定邦

國贊天子施教化而又與外賓客四鄰交其朝覲聘問慰

薦祭祀祈祝之文與所部之政三軍之號令升黜凡文辭

之事皆出書記非閑辯通敏兼人之才莫宜居之然皆元

戎自辟然後命於天子苟其帥之不文則其辟或不當亦

其理宜也韓有問湖南之賓客者愈曰知其客可以信其

主者宣州也知其主可以信其客者湖南也送楊儀之文

從軍古云樂談笑青油幕上同長慙典午非材識韓為行造

俊傑之末跡厠牒計之下列文柳奮六翻翔千里以為轅門

大府之重 參帷幕之任董龜虎之威夷俗敬畏革面受

事上同不羨君官羨君幕幕中收得阮元瑜白集水壺幕下

清韋應物詩羽儀吾府唐文粹非惜幕間一足地不容也柳集賓

於幕吏之上上同陳琳書記好王粲從軍樂早晚歸漢庭隨

公上麟閣劉長卿以文行謀畫雍容於幕府之間白集傳學業

才畫堪置幄中 載筆在幕名已重上同少年諸侯府杜牧

望府紅蓮已減花羅隱集

**本朝**范文正公言幕府辟客須可為師者乃辟之雖朋友

亦不可辟遺事謝希深歐陽永叔上同洛陽時同游嵩山歸暮

抵龍門香山雪作留守錢文僖公遣吏以厨傳歌妓至且

勞之曰山行良勞當少留龍門府事簡無遽歸也聞見天

聖明道中錢文僖留守西都謝希深為通判歐陽永叔為

推官尹師魯為書記梅聖俞為主簿皆天下之名士聞見

幕中俊乂閑刀筆帳下驍雄冷劍鐔臨川集幕府稱上賓東坡

與劉辛老詩

# 同官

**經**我雖異事及爾同僚詩大雅板同寅協恭禮記五曰官聯以

會官治禮

**史**同官為寮吾嘗同寮敢不盡心乎左文直不疑為郎同

舍有告歸誤持同舍郎金去前漢陳重為郎同舍郎有告

歸寧者誤持同舍郎袴以去後漢蕭瑀性狷介與同僚多不

合通鑑唐紀

原屬 同官

集濁水行泥清路塵遠曾同制掌絲綸韓冊庭嘗接武書  
殿忝連衡劉賓客

### 同年

史唐李絳相德宗人言其私同年許季同德宗問之曰人  
於同年固有情乎絳曰同年乃九州四海之人偶同科第  
或登科然後相識於情何有若其果才雖在兄弟子姪之  
中猶將用之况同年乎通鑑

傳神龍以來杏園宴後於慈恩寺塔下題名同年中推  
善書者紀之譙崔沆為主罰錄事同年盧彖附近關宴請  
假往洛及同年宴于曲江亭彖微服縱觀為團司所發撫  
進士榜出謝後便往期集院狀元與同年相見請一人為  
錄事其餘主宴主酒主樂採花主茶之類咸以其年辟之

百十

七

俱捷謂之同年既捷列名於慈恩寺塔謂之題名大宴  
曲江亭謂之曲江會在關試後謂之關燕同大中以來禮  
部放榜歲取二三人姓氏稀僻謂之色目人亦曰榜花南  
郊新書

本朝同芳晉堂桂共聽禹門雷趙清通家不隔同年面詩

### 同庚

史漢高祖與盧縮同日生里中持羊酒賀兩家西漢鍾瑾  
與李膺同年俱有通鑑聲名漢孫權母曰公瑾瑜與伯符

兼同年小一月耳我視之如子也汝謂孫兄事之吳志周

傳紅表孫策與周瑜同年獨相友善有無通共同史罕干思

明與安祿山先後一日生及長相親愛皆為互市牙郎通

唐元宗

同年 同庚

**集**許遠與張巡同年生月日後於巡呼之為兄韓退之書中丞傳集

何事共年壬子歲老於崔相及劉郎伯侍郎集注白

**本朝**同甲惟君尚黑頭坡次周長官詩文潞公保洛日年七十八

同時有司馬旦等三人皆年七十八嘗為同甲會潞公詩

曰四人三百十二歲况是同生丙午年招得梁園為賦客

合成商嶺採芝仙清談疊疊風盈席素髮飄飄雪滿肩此

會從來誠未有洛中因作登嵩傳沈括筆談

### 同舍

**史**司馬相如因客游梁孝王令與諸生同舍史本陳重為

郎同舍郎有告歸寧者誤持同舍郎袴以去陳陸贄為翰

林孝士詔書一日數百起草如泉注曲尺事情同舍伏其

能史

百十

**集**取笑同舍翁杜詠懷

### 同門

**子**申屠嘉兀者也而與鄭子產同師於伯昏無人杜德

**史**鄭崇弟立與傳喜同門相友善門漢鄭崇傳同

### 交代

**經**舊令尹之政必以告新令尹語

**史**瓜時而往及瓜而代左莊鄭子產疾謂子太叔曰我死

子必為政惟有德者能以寬服民其次莫如猛昭二蕭望

之以韓延壽代已為馮翊而有能名出已之上故忌害之

遂令御史案延壽在東郡時事竟坐棄市時望之為御史大夫見西漢

延壽初郡守范津薦傳燮及津為漢陽與燮交代台符而

去後傳徵班超還任尚代為郡都護尚謂超曰君侯在外

國三十餘年而小人猥承君後任重慮遠宜有以誨之通監

傳和河東太守王邑被徵郡掾衛固及中郎將范先詣司

隸校尉鍾繇請留之繇不從操曹以杜畿為河東太守鍾

繇促王邑交符邑佩印綬經從河北詣許自歸衛固等使

兵數千人絕陝津畿數月不得渡同上謝方明善治郡

所至有能名承前代人不易其政必當改者則以漸移變

使無跡可尋晉恭張軌病風以秦州刺史賈龕代之龕將

受之其兄讓龕曰涼州一時名士威著西河何德以代之

同上晉沙之汰之瓦石在後歎之揚之糠粃在前晉書王

延之代張緒為中書令何點曰後接之者實為未易書傳

劇代劉元明為山陰令問元明曰願以舊政告新令尹南

集蘇州刺史例能詩西掖今來替左司劉夢得贈

本朝後功掩前蓋王古人重交代子孫不相忘王

送交代劉朋友

經勿疑朋盍簪易二人同心其利斷金同心之言其臭

如蘭麗澤允君子以朋友講習允與我同志亦所不隱

也序喪亂既平既安且寧雖有兄弟不如友生詩崇惠而

好我携手同行此自天子至於庶人未有不須友以成者

伐相彼鳥矣猶求友聲矧伊人矣不求友生朋友攸攝

攝以威儀手詩言朋友以朋友皆在他邦袒免歸則已喪

若勿小則未止主朋友思朋友思朋友思朋友思朋友思

盡人之歡不竭人之忠以全交也上君子之接如水小

人之接如醴君子淡以成小人甘以壞記相觀而善之謂

朋友

朋友

朋友

朋友

朋友



摩訶子夏曰離群索居亦已久矣禮弓獨學而無友則孤

陋而寡聞記李曾子曰朋友之墓有宿草而不哭焉曲禮合

志同方營道同術竝立則樂相下不厭久不相見聞流言

不信語有朋自遠方來不亦樂乎語晏平仲善與人交

久而敬之公治孔子曰益者三友損者三友友直友諒友

多聞益矣友便辟友善柔友便佞損矣季

子孔子曰與人交推其長者違其短者故能久也家尹公

之佗端人也其取友必端矣孟責善朋友之道也離姜友

也者友其德也不可以有挾也下章合堂同席而坐莊相

視而笑莫逆於心遂相與為友同交淺而言深者忠也南

子齊交淺而言深是亂也齊俗

頗與閻相如為刎頸交史如禮不知其人視其友史論自

關以東莫不延頸願交魯世鄭當時年少官薄其游知交

者皆其大父行天下有名之士也本傳魏其灌夫兩人相引

重相得其甚懽無厭恨相知晚也史一死一生乃知交情一

貧一富乃知交態一貴一賤交情乃見西漢鄭天下以鄺

寄為賣友為見利而忘義也本轉合從締交賈誼尹敏與班

彪親善每相遇輒日盱忘食夜分不寢自以為鍾期伯牙

莊周惠施之相得也東傳適陳留則友符偉明遊太學則

師仇季智之陳國則親魏德公入汝南則交黃叔度後傳鄭

交道之難未易言也世稱管鮑次則王貢張陳凶其終蕭

朱隙其末故知全之者鮮矣王冊彌衡唯善孔融楊脩常

結為奔走之交 公沙穆來遊太李無資糧乃變服客傭

為祐賃舂祐与語大驚遂共定交於杵曰之間吳祐傳膠漆

自謂堅不如陳與雷雷義傳交淺而言深者愚也崔駰傳華歆

与邴原管寧為友時號三友為一龍歆為龍頭原為龍腹

寧為龍尾魏志華歆傳程普曰與周公瑾遊如飲醇酎不竟自

醉吳志嵇康阮籍山濤一見便為神交嵇康傳呂安服嵇康高

致每一相思輒千里命駕嵇康傳山濤与嵇康阮籍等為竹

林之交著忘言之契山濤傳王戎少阮籍二十歲而籍與之

交王戎傳嵇康臨刑謂子曰山公在汝不孤 孫盛與殷浩

談論食冷而復暖者數四 交踈而吐誠今人以為難

劉畢芳樽之交晉謝瞻范秦為雲霞之交南本魏元同与

裴爰繡交能保終始故號耐久朋友唐書揚寧有高操擢筆棄

官與陽城為莫逆交德宗召城詔寧與俱來 薛收與元

敬為文李館李士時房杜等處心腹之寄深相交託 嚴

挺之重交遊許與生死不易其操 陸贄年十八張鎰有

重名請為忘年友史並唐

**一**面契若金蘭竹林七賢傳

**樂**莫樂兮新相知魏文帝書昔日遊處行則連輿止則接席何

曾須更相失魏文帝書心同琴瑟言鬱郁於蘭茝道叶膠漆

志婉孌於墳笮魏文帝書心照神交惟我與子魏文帝書時復相与

率觴對膝魏文帝書數面成親舊况情其過此者乎魏文帝書清

交素友比景同波王僧達祭李郭或同舟潘夏時方駕魏文帝書

類聚詩身雖胡越意存斷金選賞心惟良知同交之於人

也猶唇齒之相濟劉歆僕自少至今往還朋友間一十七

年矣日月不為不久所與交往相識者千百人非不多其

相與如骨肉兄弟者亦且不少韓詩與詹離率不歷時

移時則必合合必兩忘其所趨久然後去韓文歐詩成有陽營也共賦酒熟无孤斟同締交君贈縞投分我忘筌馮賓意氣一言合風期萬里親 挹蘭言於斷金交逢心於匪石

共引文江同開筆海 千載契風雲一言忘貴賤並同上

人生交契无老少論交何必先同調杜忘形向友朋 醉

眠秋共被携手日同行 与子成二老來往亦風流 論

交翻恨晚並同携手慙連壁同心許斷金劉賓客風期契合

同分定金蘭契言通藥石規白侍豈無舊交結久别多遷

易亦有新往還相見多形迹唯君與我分堅久如金石

定交非勢利 松筠与金石未足喻堅密在車如輪轅在

身如肘腋 淡交唯對水 淡水交情老始知 豆觴之

會軒蓋之遊多奉光塵最承歡惠 行止通塞靡所不

金石膠漆未足為喻 平生定交取人窄屈指相知惟五

十二

人豈無晚歲新相識相識面親心不親並同阿閣鸞鳳

田鶴何人信道舊同群同掘井須到流結交須到頭賈浪

接枕話通宵劉長結交指松柏子孟浩坐登徐孺榻頻接李

膺孟同不言而信者其分深唐文粹至交淡不疑孟東

下義結純素恩比同生傳幹与張叔威書

**本朝**文章驚世知名早意氣論交相得晚歐公群居平日

幸得肩從齒序跪 拜起居竊兄弟行同上携被夜語達

旦不窮披樂天夢得老相從齊城交情舊許雞為具同上

交情澹泊久弥新同上

人倫部之十

擇交

**經**母友不如己者論語汎愛衆而親仁同上可者與之其不可者拒之同上

**子**君子必謹其所與處者焉家語賜也好友勝已者同上其交也以道其接也以禮孟子曰一鄉之善士斯友一

鄉之善士一國之善士斯友一國之善士天下之善士斯友天下之善士同上君子遊必就士所以防邪僻而近中正

也荀勗以勢交者勢傾則絕以利交者利窮則散故君子不與也文中君子先擇而後交故寡尤魏中相篇

**史**論行而結交者立名之士也史樂無舊無新惟仁是親後漢趙典閉門却掃非德不交續漢李膺性簡亢無所

交接惟以同郡荀淑陳寔為師友同上劉陶所交必也同志好尚或殊富貴不求合情趨苟同貧賤不易忘陳那原至

陳則師韓子助穎川則宗陳仲弓汝南則交范孟博涿郡則親盧士幹魏志陸龜蒙不喜與流俗交雖造門不肯見本傳

**傳**山濤與阮籍嵇康皆一面契若金蘭濤妻韓氏嘗問濤曰吾門年可為交者唯二人而已竹林七何晏鄭颺夏

侯玄並求與傳嘏交而嘏終不許世說**集**四座無凡賓李白集懷道守義非其人不交韓愈種樹須

擇地惡土變木根結交若失人中道生謗言君子芳桂性春濃寒更繁小人槿花心朝在夕不存莫躡冬冰堅中有

潛浪翻惟當金石交可與賢達論孟郊審交門庭無雜賓孟浩然

釋交

# 不善擇交

**經**比之匪人易比卦輕交易絕君子所耻記表

**子**商也好友不勝已者家語小人先交而後擇故多怨魏文相

**史**親富不親仁焉用之左定九年

**集**交不忠兮怨長楚辭

# 故舊

**經**伐木燕故舊也不遺故舊則民德歸厚矣詩伐木孔子之

故人曰原壤其母死夫子助之沐椁曰故者無失其為故也語

**史**原仲季友之舊也左莊七年樓護有故人呂公無子歸護護身與呂公妻與呂姬同食妻子頗厭護聞之責曰呂公以

故舊窮老託身於我義所當奉遂奉呂公終身西漢本傳

附託光武引嚴光入道故舊共卧光以足加帝腹太史奏

客星犯御坐帝笑曰朕故人嚴子陵共卧耳東漢嚴光傳

# 世契

**史**初楚伍參與蔡太師子朝友其子伍舉與聲子相善也左襄二

十六年何劭袁毅有累世之交晉書嚴武以杜甫世舊待重

甚善新唐書王珂曰吾於諸公有家世事分通鑑唐昭宗紀

**傳**融十歲聞漢中李公膺清節直亮慕之欲往觀其人

遂造公門謂門者曰我是公通家子孫孔融別傳

**集**予於崔君有通家之舊柳子厚送崔羣序

# 父執

不善擇交 故舊 世契

**經**父黨無容記禮見父之執不謂之進不敢進不謂之退

不敢退不問不敢對記年長以倍則父事之禮上

**史**班彪家有賜書父黨揚子雲已下莫不造門西漢叙傳馬援

有疾梁松來候之獨拜牀下援不荅松去諸子問曰梁伯

孫帝婿貴重公卿莫不憚之大人獨不為禮援曰我乃松

之父友也雖貴何得失其序乎通監光武紀常林年七歲有父

黨造門問林伯先在否汝何不拜林曰臨子字父何拜之

有魏志本傳劉孝綽年十四繪常使代草父黨沈約任昉范雲

等聞其名命駕造焉父繪時掌詔詔書本傳無容之敬常拜牀下惟德與集

### 市交

**經**情疏而貌親在小人則穿窬之盜也禮記表記

**子**明而不心面朋也友而不心面友也揚子法言以勢交者勢

傾則絕以利交者利窮則散文中子

**史**以權利合者權利盡而交踈史記鄭孟嘗君廢諸客皆去

馮諼曰富貴多士貧賤寡友事之固然也獨不見夫朝趨

市者乎明且側肩爭門而入日暮之後過市者掉臂而不

顧非好朝而惡暮所期物忘其中今君失位而賓客皆去

事之固然也史張耳陳餘始居約時相然信死豈顧間哉

及據國爭權卒相滅亡勢利之交古人羞之蓋謂是矣漢書

忽忘雅素西漢張禹傳

**傳**以財交者財盡而交絕以色交者華落而愛淪戰國策

權交者不久貨交者不親戒子拾遺

**集**產空交道絕財殫密戚踈王詩競毛羽之輕趨錐刀之

末於是素交盡利交興劉孝標張陳所以凶終蕭朱所以

隙未斷可知矣而程公方規規然勤門以箴客何所見之  
晚乎同凡今之交視勢厚薄見韓文互有財有勢即相識無  
財無勢同路人孟東近世交道衰青松落顏色同世之言  
者曰市道交柳文宋君不見管鮑貧時交此道今人弃如  
土杜詩途窮見交態同故交不過門青草日上堦李白世  
情誰是舊雷陳元微交情同市道唐文  
**本朝**廉頗免長平歸故客盡去及復用為將客又復至頗  
曰客退矣客曰君何見之晚也天下以市道交君有勢我  
則從君無勢則去此固其理也有何怒乎晏殊類要當其  
同利之時暫相黨引以為朋者偽也及其見利而爭先或  
利盡而交踈則反相賊害雖其兄弟親戚不能相保文公

### 鄉曲

言百十一

**維**維桑與梓必恭敬止詩小弁優與詩語以為非鄉曲事

一命齒于鄉里周禮習鄉上齒詩王五十養於鄉六十杖

於鄉同君子之服也鄉記儒入里必式記曲居是鄉也事

其大夫之賢者友其士之仁者語備孔子於鄉黨恂恂如

也似不能言者語鄉鄉人飲酒杖者出斯出矣語何必去

父母之邦語微子

**子**子貢曰禮居是邦則不非其大夫語孔子之去魯曰遲

遲吾行也去父母國之道也子孟鄉黨莫如齒后死徙無出

鄉鄉田同井出入相友守望相助疾病相扶持子孟過故鄉

而下車子老君子居必擇鄉勸辛禮居是邑不非其大夫子荀

道越公遇內史薛公曰公見王通乎薛公曰鄉人也禮中

**史**公山不狃曰且夫人之行也不以所惡廢鄉注左不以私

鄉黨惡廢萬石君過里門必下漢上還過沛故人父老諸

市交 鄉曲

母子弟佐酒道舊故為笑樂酒酣上自為歌起舞慷慨傷  
懷泣數行下謂沛父兄曰游子悲故鄉豐沛者吾所生長  
極不忘耳漢高祖紀高祖禱豐粉榆社西漢郊祀志孫期里落  
化其仁讓後漢本傳韓安國起自徒中朱買臣出於微賤並以  
才守本邦通鑑鄭君鄉宜曰鄭公鄉東漢鄭玄傳趙壹  
恃才倨傲為鄉里所擯後漢魯肅大散財貨其得鄉邑忻  
心魏志何曾陵駕人物鄉閭疾之如讎永嘉之末何氏滅亡  
無遺焉晉范叔孫周窮濟急鄉里貴其義行書苗晉卿為  
太守嘗入壺閔望縣門輒步曰公門當下况父母邦乎唐書  
里開立社用洽鄉黨之歡通鑑唐吳團結民兵使之習戰  
自衛鄉里通鑑鄉村團為義營各立將佐每有盜發則  
鳴鼓舉火丁壯雲集盜少民多無能脫者通鑑周  
**傳記**何琦豐約與隣鄉共之晉中興書許允為吏部郎多用其

鄉里魏明帝遣虎賁收之既至帝覈問之允對曰臣之鄉  
人臣所知也魏氏春秋

**集**身出禮義之鄉李陵書洛中故俗體朴厚之洪規稷下  
遺耻陶禮義之餘化略賓見推里閭譽浹鄉閭同鄉先生  
没而可祭於社韓文序揚東漢隱士王烈居祈縣因號所  
居鄉為君子鄉韓文序致敬惟桑梓孟浩然

### 鄰里

**經**東鄰殺牛不如西鄰之禴祭易洽比其鄰詩小雅五  
家為隣五隣為里周禮姑姊妹其夫死夫若無族矣則前  
後家東西家無有則里尹主之記雜原思與之粟九百辭  
子曰毋以與爾鄰里鄉黨乎語里仁為美語  
**子**鷄鳴狗吠相聞孟公孫二舍共一井墨子列子與南郭子

鄉曲鄰里



連墻二十年不相謁請列子君子居必擇鄰可以避患也子田里相距雞犬相聞文

**史**西鄰責言左傳怒鄰不義信親仁善鄰左傳晏子

如晉景公使更其宅還而毀之曰諺曰非宅是卜惟鄰是

卜二三子先卜鄰矣左昭孟子之母三徙擇鄰說任公為

閭里率西漢幸同土壤西漢馬援素與公孫述同里

閉相善通監宋季雅市宅在呂僧珍宅側呂問宅價曰

千一百萬呂惟其貴宋曰一百萬買宅千萬買鄰也南荀

淑有子八人時人謂之八龍所居里舊名西豪渤海范康

以為昔高陽氏有才子八人更名其里曰高陽里通監王

脩年七歲喪母母以社日亡鄰里為之罷社魏史思明安

祿山同里閉通監唐張嘉貞所居時號曰鳴珂里唐書劉

仁軌所居號三柱里唐書

**傳**鄰里致饋東觀孟母舍近墓孟子嬉戲為墓間之事

孟母曰此非所以居子處也乃去舍市旁其子嬉戲為賣

銜孟母又曰此非所以居子處也乃舍學宮之旁其子嬉

戲乃設俎豆進退揖讓孟母曰此真可以居子矣遂居之

列女傳互益州城張儀所築錦城在州南蜀時故宮也其

處號錦里益州買鄰之直貴於買宅也物理論

**集**偉子孟母之擇鄰選所以占此里是謂仁智居選此里

仁所以為美孟母所以三徙選斟酒聚比鄰陶淵居

止接近向秀願為同社人雞豚燕春秋韓退里閉自相

賀上休恠童兒延俗客不教鵝鴨撓比鄰謝分芳孟母為

王翰願卜鄰 相近竹參差相過人不知看君多道義

從此數追隨 關西得孟鄰杜橫絕歷四海所居天得

隣李白見擬移居作隣里不勞時節請開關 務閑

孰饒經過舍南巷北遙相語詩柳買宅者先定鄰焉物理論

**本朝**新居乃鄰墻集雞黍數往來同從茲來往數兒女

自應門詩雞豚不改舊隣里自相歡集城蒸豚釀酒多為

具鄰里十年成舊故同雞犬之聲相聞幅巾杖履歲時往

來東坡西洛有五相宅乃文路公富相王相二張相也諺

云吾鄉有宰相坊侍郎里劉斧翰

# 賓客

**經**有不速之客來敬之終吉易需我有嘉賓鼓瑟鼓琴和

樂且湛我有旨酒以燕樂嘉賓之心詩鹿鹿鳴燕羣臣嘉

賓也既飲食之又實幣帛筐篚以將其厚意然後忠臣嘉

賓得盡其心矣同主人肅客而入記曲若非飲食之客則

布席席間函丈同上上客起敬尊者

**史**宋公享晉楚大夫趙孟為客注云客一坐田文主家待

賓客賓客日進名聲聞於諸侯史本靖郭君使田文主家

待賓客賓客爭譽其美號曰孟嘗君通鑑孟嘗君在薛食

客常數千人史本魏有信陵君楚有春申君趙有平原君

齊有孟嘗君皆喜賓客以相傾史本樓護谷永為五侯

上客漢書樽啜酒每大飲賓客滿堂輒關門取客車轄投

井中雖有急終不得去西漢陳崔駰愛士好賓客盛脩肴

膳單極滋味不問餘產居常蔬食菜羹而已家無儲石當世

清之東漢孔融喜後進賓客日盈其門常歎曰坐上客常

滿罇中酒不空吾無憂矣東漢謝安造桓温温甚喜言平

生歡笑竟日既出温問左右頗嘗見我有如此客不晉書

表粲門無雜客文士見遇不過一兩人宋書羊侃不飲酒

而好賓遊終日獻酬同其醉醒南史畢垵喜賓安家未嘗

賓客

以有無計新唐書常何曰家客馬周教臣為之唐馬周傳

長孫澄好賓客接引忘倦雖不飲而好觀人酣與常恐坐

客請歸每勸厨別進異饌留之後周書

**傳記**袁紹居洛陽不妄通賓客非海內知名不得相見英

傳顧雍四代門無雜賓投刺攝齊皆一時英俊蘇州志王仁

裕每大雪則自所居至坊巷口掃雪開徑迎接賓客至所

居處飲宴謂之暖寒會天寶遺事

**集**儋石之儲常空於私室方丈之食每盛於賓筵韓滉裴

盈門皆食客皇用元次山以不飲者為惡客本集

**本朝**客來留飲不計錢東坡

### 館待

**經**見人不能館不問其所舍禮記

**史**晉鄭同儕其過子弟固將禮焉左傳若出於陳鄭之

間共其資糧屣屨可也左傳展喜曰寡君聞君親舉玉趾

將辱於敝邑使下臣犒執事左傳燭之武曰若舍鄭以

為東道主行李之往來共其乏困左傳鄭商人曰不腆敝

邑為從者之淹居則具一日之積行則備一夕之衛左傳

年鄭皇武子曰吾子淹父於敝邑唯是脯資餼牽竭矣上

賓至如歸無寧畜患左傳孟嘗君食客常數千人無貴

賤一與文等史本更舍上舍史記飾厨傳稱過客西漢今

有貴安為具召之司馬相夫妻治其雜夫厚具樂飲陸賈

以惡草具進陳平傳

**傳記**館穀底寧白帖

**集**修薄具以自設司馬相君曾不肯乎顧臨長門賦如重客至

矣授館致餼柳文荆南舊有五花館待賓之上地也故將駭

上成納詩曰不是上台憐姓字五花賓館敢從容南都新書孟嘗君食客三千人厨有二列上客食肉中客食魚下客食菜

### 賓主

**經**主人不問客不先舉 主人興辭於客然後客坐 主人敬客則先拜客愛敬主人則先拜主人曲禮記主人親饋則客祭主人不親饋則客不祭記祭賓主百拜終日飲酒而不得醉焉記祭

**集**主稱千歲壽賓奉萬年觴巽樂府主人情更重韓文  
**本朝**非公無此客

### 異姓

**經**以賀慶之禮親異姓之國周禮注外親之服皆總也外親謂異姓正服不總總謂麻儀禮喪服若公與族燕則異姓為賓記文王出知實客之道實客謂來嫁者也異姓主名治際會謂大傳注異姓君與異姓同車不同服記坊記

**子**異姓之服禮不加總金樓子  
**史**周之宗盟異姓為後左隱十一年

**傳**何晏曰異姓不相貫何晏別傳獨居思仁公言豆義一日三復白圭之玷是南宮之行也夫子信其仁以為異姓姓其  
凡之子妻之也大戴禮衛將軍文子篇

### 本朝

記纂淵海卷第一百一十一



# 家世

**經**惟乃祖乃父世篤忠貞服勞王家厥有成績紀于太常  
書君牙亦惟先王克左右昭事厥辟  
書文侯之命周公之

孫莊公之子  
詩閟宮

**子**周公曰我文王之為子武王之為弟成王之為叔吾於  
天下不賤矣  
荀堯問薛公曰是其家傳七世矣  
家傳儒業

皆有經濟之道  
文中子禮樂篇薛公曰王氏有祖父焉有

子孫焉  
同上

**史**叔禽叔椒子羽皆大家也羊舌四族皆彊家也  
左昭五萬石君及四子皆二千石人臣尊寵乃集其門號萬石君

史本傳項氏世世為楚將  
史記項羽記蘇武曰武父子位

列將爵通侯兄弟親近  
西漢本傳太傳在前少傳在後父

子並為師傅朝廷以為榮  
西漢疏廣傳時廣為太傳廣兄

子受為少傅太子每朝太傅在前少傅在後  
累世名貴人

史記秦紀鄧氏累世寵貴凡侯者二十九人公二人大將

軍以下十三人其餘不可勝數東京莫盛於此  
後漢鄧禹

傳王僧虔戒子書曰王家門中優者如龍鳳劣者猶虎豹

南史傳龜襲紫  
後漢陰識傳贊五世相韓  
西漢張良傳汲

黯之先有寵於古之衛君至黯十世世為卿大夫  
西漢本

傳自楊震至彪四世太尉德業相繼與袁氏俱為東京名

族  
東漢本傳漢興惟韋平父子至宰相  
西漢平當傳金曰

礪世名忠孝七世內侍  
西漢本傳贊耿氏自中興後訖建

安之末大將軍二人將軍九人卿十三人列侯十九人中

郎將刺史二千石數十百人與漢興衰後漢耿恭傳世吏

二千石至祜九世並以清德聞晉羊祜傳陸機曰我父祖

名播四海晉書本傳中興桓氏尤盛自榮至典世宗其道

父子兄弟代作帝師范曄後漢傳伏生自東西京相襲為

名儒以取爵位後漢魏主雅重門族通鑑百四十一齊高

祖魏韓顯宗曰門望者乃其父祖之遺烈通鑑齊紀崔儼

諫議大夫其群從數十人自興寧里謁大明宮冠蓋駟哄

相望每歲時宴于家以一榻置笏猶重積其上琳與弟太

子詹事珪光祿卿瑤俱列棨戟世號三戟崔家新唐書本

傳張潛官至魏州刺史沛同州刺史洽衛尉卿涉殿中監

父子兄弟五人皆至三品官時人謂之萬石張家唐書張

少華王從易昆仲三人開元中鳳閣舍人故號鳳閣王家

唐書本傳自李德林至伯藥安期三世掌制詔唐書自蕭

記百十二

瑀逮邁凡八葉宰相名德相望與唐盛衰世家之盛古未

有也唐書本替唐袁明遠祖滂為漢司徒自滂至明凡十

二世其間位司徒司空者四世唐書本傳杜氏大族尊行

不翅數十人通鑑二百三十九唐憲宗則天以王方慶家

多書籍訪求右軍遺跡方慶奏曰臣十代從伯祖羲之書

先有四十餘紙正觀十三年太宗購求先臣並已進之唯

有一卷見在今又進臣十一代祖導十代祖洽九代祖珣

八代祖曇首七代祖僧綽六代祖仲寶五代祖騫高祖規

曾祖褒并九代三從伯祖晉中書令獻之已下二十八人

書共十卷舊唐書本傳德宗召溫造至謂之曰卿誰家子

曰臣五代祖大雅外五代祖李勣唐書本傳竇氏自武德

以來尚主者八人女為王妃者六人唐世貴盛莫與為比

唐書崔湜遷兵部侍郎父挹為吏部侍郎父子同為南省

世家

副貳有唐以來未有是事唐書世祖問天下諸杜何處望

高殷浩曰京兆為美後魏書戴胄子至德父子繼為宰相

世詫其榮唐書戴至德傳韋思謙子承慶嗣立父子並為

宰相世罕其比唐書張嘉貞子延賞延賞子弘靖時號一

門三相唐書

**傳記**竇禹鈞有子五人俱進士及第馮道詩云燕山竇十

郎教子有義方靈椿一株老丹桂五枝芳時號竇氏五龍

類說世重高門人輕寒族競以姓望所出邑里相矜若仲

遠之尋鄭玄先云汝南應劭文舉之對曹操自謂魯國孔

融史通

**集**幸賴先君之靈免負擔之勤選書忝藉世賢選彈文金

張籍舊業七葉珥漢貂左太冲詠史詩席寵門緒陳子昂

實公侯之子孫有山河之氣象同上家世以清白崇德同上

記百二

上蟬聯珪組世為顯著李太白門闕冠雲霄杜詩名家莫

出杜陵人杜詩家聲蓋六合杜詩世言氏族者署為閨內

甲姓劉賓客莊憲皇太后之弟今天子之舅太師之子太尉

之孫司徒之曾孫韓文公神道碑路氏得姓歷二千年

凡二十三世世稱德門人不得並韓文房故為官族稱世有

人自太尉瑄以德行爲相相玄宗肅宗名聲益彰徹大行

世號其門爲太尉家宗族子弟皆法象其賢韓文唐故興

元少尹房君墓誌昔韋孟以詩禮傳楚而郊廟之制卒正

於玄成鄭玄以箋注師漢而禪代之儀卒集於小同賈誼

以經術起而嘉最好學盧植以儒學用而謀爲祭酒舊史

咸以爲榮柳文漢司徒禹之世也柳文奕奕四世崔爲之

冠劉賓客集言冠冕者許爲世雄言門闕者許爲時表劉

賓客集家聲烜赫冠前賢同上世家表甲地白樂天清望

世家

標門榮冠山東之族同上杜氏大族枝蔓蟬聯杜牧之朝

廷典章飽於聞見杜牧之名卿賢相之家清風素範之族

子孫森羅髮後並作同上晉室簪纓宋朝人物謝萬已稱

富貴孟視尋處威權而安石東山尚為足士彥重白屋猶

是布衣未有鴻鴈成行鶴鷁接翼李義山文鄭晦族清霄

貴杜牧之集地甲門闌大元微之世祿金張貴孟浩然鍾

石享於祖考帶礪傳於子孫唐文粹一門四節輝耀當時

同上德門之裔同上門為上族同上簪笏自懷綳韓文祖

孫相望同上庭列鍾彝筭傳組綬司空表聖文杜氏大家

世有顯人韓文墓誌藥卻門風大羅隱集子父諸孫盈于

室堂公姑悅喜五福具有大夫士家孰不榮羨韓祭文

本朝陳堯叟為樞密堯咨為節度使父秦公尚無恙每賓

客至其家堯叟及伯季侍立左右坐客不安求去公曰此

兒子輩耳天下以陳氏世家為榮神道碑漢諸袁之父子

四世繼出五公唐諸溫之弟子同時並列三省東坡集家

聲奕奕蓋并涼東坡詩南齊柳元伯之子五人皆領郡號

五馬史无之見程厚東坡寒食詩注第四卷君家兄弟真

連璧門十朱輪家萬石坡詩靈運子孫俱得鳳慈明兄弟

孰非龍坡詩族大徽音遠栾城集

### 閔闕子弟

經

子

史太史公曰平原君翩翩濁世之佳公子也史記世家子

弟西漢食貨志如淳曰世世有祿秩家也宛孔氏有游陽

世家 閔闕子弟



公子之名

西漢食貨志師古曰言其舉動性行有以之也

也李德裕曰朝廷顯官須公卿子弟為之何者少習其業目熟朝廷事臺閣之儀不教而自成寒士縱有出人之材固不能閑習也則子弟未易可輕唐選舉志越公兒郎故有家風隋書楊洪傳互入克紹

**傳記**

王謝家子弟奕奕皆有一種風氣隋僧智果評書

**集**

王孫公子不鏤自彫非鸞則鳳魏王罔表觀者尚識承

平王孫故態

柳文真房太尉家子孫也韓墓碑

**本朝**

蘭砌傳芳鯉庭稟訓臨川集東山子弟家風在國公

詩閨庭蘭玉照鄉閭東坡集

# 白屋

**經**

記百十二

**子**

傳說舉於版築之間膠鬲舉於魚鹽之中管夷吾舉於

士孫叔敖舉於海百里奚舉於市孟子告子下互見人生

罔則門

**史**

甘茂起下蔡閭閻顯名諸侯史本傳論陳涉非王公大

人名族之後

史主父偃傳陳涉甕牖繩樞之子非有陶朱

猗頓之富

前漢項籍傳諸儒生多窶人子前漢書霍光傳

卜式拔於芻牧弘羊擢於賈豎衛青奮於奴僕日磾出於

降虜

西漢公孫洪傳贊互見人生罔則門千秋無閭閻西

漢田千秋傳

黃憲世貧賤父為牛醫後漢本傳康成無紱

冕之緒後漢

沈約曰太公起屠釣為周師傳說去版築為

殷相胡廣累世農夫致位公相黃憲牛醫之子名重京師

通鑑宋紀大明三年

蕭薈樊灌皆起閭閻布衣至今推仰

以為英賢豈在出祿乎

通鑑唐紀牛仙客初為縣小吏闕

白屋

元二十四年為尚書唐書馬周一介草茅言天下事若素

官于朝唐書本傳陳湯呂家馬隆孟觀悉出貧賤而勲伐

甚高不聞其家世將帥也唐魏元忠封事唐元宗謂張九

齡曰卿嫌仙客寒微如卿有何閑閱通鑑元宗紀

**傳記**進士多貧士秦中歲時記

**集**仲蔚孤緒元卿末裔任昉表不見公與相起身自犁鋤

韓文

**本朝**起於閭巷大其家室臨川

### 有種

**經**子虎豹未成文而已有食牛之氣鴻鵠之馭羽翼未合而

已有四海之心尹子

記百十二

**史**李廣世世受射史本傳將門必有將相門必有相史記孟

嘗君傳朱虛侯章曰臣將種也通鑑呂后紀諸葛恪少有

名孫權見其父瑾曰藍田生玉真不虛也吳志本傳王猛

之孫鎮惡善論軍國大事或薦鎮惡於劉裕與語說之曰

吾聞將門有將鎮惡信然通鑑十五晉安紀謝莊七歲能

屬文宋文帝曰藍田生玉南史本傳達奚震驍勇走及奔

馬周文曰非此父不生此子北史

**傳記**慧種生聖癡種生狂桂實生桂桐實生桐越絕書

**本朝**鳳雛驥子生有種毛骨往往傳諸郎觀君崛鬱負奇

表使合劍佩趨明光東坡集汗血固應生有種坡詩

### 無種

**經**子曰有教無類語衛靈公子謂仲尼曰犂牛之子騂且

有種

角語互入出類

①以瞽叟為父而有舜以紂為兄之子而有微子啓王子比干孟子明月之珠出於蠟一作蚌蚌周之簡圭生於珞

石大祭神龜出於溝壑淮南子詭山訓

②陳涉曰王侯將相寧有種乎史記陳世家虞世南子昶

無才術歷將作少匠工部侍郎主工作許敬宗曰護兒兒

作相世南男作匠文武豈有種耶新唐書來儻傳陳湯呂

蒙馬隆孟觀悉出貧賤而勲閥甚高不聞其家世將帥也

唐魏元忠封事互見白屋類

③天其福人不在舊族揚雄之才共出孔氏芝草無根醴

泉無源虞翻與弟書靈珠產無種彩雲出無根亦如彼姝

子生此遐陋村白侍郎

記纂淵海卷第一百一十二

# 克紹

子克家 易蒙卦 裕父之蠱 易蠱卦 幹父之蠱 同上 篤前

人成烈 書洛誥 公劉克篤前烈 書武成 無忝祖考 書君牙

汝克昭乃顯祖 書文侯之命 召公是似 詩江漢 維其有之

是以似之 變小雅裳二者華 績戎祖考 詩烝民 國人稱頌

然曰幸哉有子如此所謂孝也已 禮祭義 良冶之子必學

為裘良弓之子必學為箕 禮孝記 父作之子述之 記中庸

孟莊子之孝也其他可能也其不改父之臣與父之政是

難能也 語子張 立身行道揚名於後世以顯父母 孝經

子譬之若山木枝葉必類本 荀富國

史洪宣祖業 乾 無廢先君之功 左隱三 世濟其美不隕其

名 左文十八 知徐吾趙朝韓固魏戊餘子之不失職能守

業者也 左昭二十八 趙括能讀其父書傳 史記趙奢傳 田

叔為魯相卒魯人以百金祠少子仁不受曰無以百金傷

父名 史記田叔傳 董仲舒子及孫皆以學至大官 史儒林

傳靈帝謂楊震孫奇曰卿強項真楊震子孫 後漢 鮑永子

昱拜司隸光武曰吾欲令天下知忠臣子復為司隸 後漢

本傳 夏侯霸 曰榮立家門 通監三 國魏山簡性温雅有父

風 晉書互入文雅 劉孝綽七歲能屬文父繪齊時掌詔誥

孝綽年十四繪常使代草之 南史宋書 世祖常問王儉當

今誰能作五言詩對曰謝朓得父之膏腴 齊書 越公兒郎

故有家風 隋書楊洪傳互入 閥閱子弟類 小家 蓄產百萬

之資子孫尚耻愧失其先業 通監五十五 漢紀李廣有孫

陵為侍中善騎射愛人下士帝以為有廣之風為騎都尉

通監西漢武隋賀若弼父敦仕周為金州摠管臨刑呼弼

曰吾將平江南此心不果汝當成吾志後弼與韓擒虎同

平陳隋書馬璘讀馬援傳至丈夫當死邊野慨然曰使吾

祖勲業墜地下乎卒為中興名將新唐書柳玘有父風唐

書本陳餘慶方雅有祖風唐書歐陽通詢之子母徐氏教

以父書晝夜無倦遂亞於詢唐書纂之論議挺挺有祖風

烈魏澄傳宋之問父令文富文辭且工書有力絕人世稱

三絕既之問以文章起其弟之悌以躋勇聞之遜精草隸

且謂皆得父一絕唐書趙道興遷左武侯明閑宿衛太宗

曰卿父為隋武侯有當官之譽卿今克傳弓冶可謂不墜

家聲唐書柳公綽之子仲郢有父風牛僧孺曰非積習名

教何以致此唐書李晟克京師市不改肆翹平蔡亦如之

功名之奇近世所未有唐書互見紀律內

**集**各紹堂構能負析薪陳琳檄箕裘之業載隆燕翼之謀

不殞陳子昂家聲器宇存杜詩家聲肯墜地利器當秋毫

杜詩籍籍名家孫杜詩烜赫舊家聲杜詩克家何妙年杜

詩嶷然大賢後復見透骨清杜詩益求發聞法俾家聲不頽

劉賓客集公胚胎前光生長食息不離典訓之內目濡耳

染不學以能韓文太師之平汴州年老益高挈持維綱勦

削荒類納之大和而已其囊篋細碎無所遺漏繫公之功

韓文見少傅翠竹碧梧鸞鶴停峙能守其業者也幼子娟

好靜秀瑤環瑜珥蘭茁其牙稱其家兒也韓文懿哉能

其家劉賓客襲弓裘而稟詩禮似水木之有本源白樂天

服名教乃保家之子同上生於清談克肖素風杜牧之集

清風素範克肖家聲同上紹復丕績不墜厥祀柳漢銘撰

克紹

克紹

公莫訝清無業家有驪珠不復貧元微之身雖不貴有後  
斯榮唯公之嗣實大家聲李習之韋玄方繼相荀爽復齊  
名張九齡文趙孟慕成季之勳復能霸晉亞夫紹絳侯之  
武亦克擒吳唐段文昌淮西碑  
**本國**克家傳眾子棗城集承家從昔如君少陳後山諸郎  
有父風山谷

### 能蓋前愆

**經**蔡仲克庸祇德周公以為卿士叔卒乃命諸王邦之蔡  
王若曰惟爾率德改行克謹敬猷爾尚蓋前人之愆惟忠  
惟孝書蔡仲之命

**史**沈勁充之子也勁以其父死於逆亂志欲立功以雪舊  
耻燕人逼洛陽陳祐留勁以五百人守洛陽勁喜曰吾欲

致命今得之矣耻父之惡致死以滌之變凶逆之族為忠  
義之門通鑑晉哀帝盧元輔肥之子簡潔貞方人不以父  
之醜行為累人人歸美舊唐書盧杞傳

### 不克紹

**經**女雖湛樂從弗念厥紹詩變大雅抑于嗟乎不承權輿  
詩秦風子孫弗率書伊訓不德用大墜厥宗書伊訓黍厥  
祖書太甲上子弗祗服厥父事大傷厥考心書康誥厥父  
母勤勞稼穡厥子乃弗知稼穡之艱難書无逸過佚前人  
光絕失也書君奭若考作室既底法厥子乃弗肯堂矧肯  
構厥父苗厥子乃弗肯播矧肯穫書大誥荒墜厥緒覆宗  
絕祀書五子之歌

**史**其父析薪其子弗克負荷左昭七行莫醜於辱先西漢

能蓋前愆 不克紹

司馬遷 李陵生降墮其家聲司馬遷傳音顏時漢成帝無

嗣政由王氏劉向遂上封事極諫王氏與劉氏不並立如

下有泰山之安則上有累卵之危向卒子歆王莽舉為侍

郎莽持政留歆為右曹建平元年改名秀及莽篡位歆為

國師西漢本傳為人後嗣守人功業如此豈不負哉通監

三十二漢成紀 祖約遯之弟也遯卒代遯為西平將軍豫

州刺史王敦舉兵約歸衛京師自以名輩不後郗卞又望

開府及所表請多不見許遂懷怨望及蘇峻舉兵遂推崇

約約聞大喜峻尅京都以約為侍中後奔石勒而死晉書

本傳 房杜平生勤苦僅能立門戶遭不肖子蕩覆無餘通

監唐紀三百 李勣疾謂弟弼曰我見房元齡杜如晦高季

輔皆辛苦立門戶亦望貽後悉為不肖子敗之新唐書本

傳 狄仁傑為魏州刺史有惠政百姓為之立生祠後其子

景暉為魏州司功參軍貪暴人患之遂毀其像焉通監二

百七唐中宗 房元齡之子遺愛尚唐太宗女遺愛驕恣謀

黜其兄遺直奪其封爵永徽中誣告遺直無禮於已高宗

令長孫無忌鞠其事因得公主與遺愛謀反之狀遺愛伏

誅舊唐書本傳 杜如晦子構襲爵慈州刺史坐弟荷謀逆

徙於嶺表同上

**傳記** 韓昶退之子也性闇劣為集賢校理史傳有金根車

昶以誤悉改根為銀字尚書故實互見不孝不肖子弟有

三变第一变为蝗虫謂鬻庄而食第二变为蠹魚謂鬻書

食第三变为大虫謂賣奴婢而食三食之輩何代無之北

夢瑣言

**集** 門緒不昌任彥昂書 咨汝之胄出門戶何魏魏不修六

操行賤薄似汝稀何不忝厥祖醜然不知歸韓文

不乞留

不乞留

# 陵替

①遭家不造 詩閔予小子

②樂邵胥原狐續慶伯降在皂隸 左昭三叔向曰朕之宗

十一族惟羊舌氏在而已 同上魏徵玄孫稠貧甚以故第

質錢於人 通鑑唐紀五十三帝停叔玉昏而仆所為碑額

其家衰矣 唐魏徵傳

③門衰祚薄 漢李令伯陳情表承先人之後者在孫惟汝

在子惟吾韓氏兩世惟此而已 韓文祭兄十三郎老成文

# 自揚家醜

④其父攘羊而子證之 論語

⑤樂盈曰陪臣書能輸力於王室其子厭墨不能保任其父

之勞 左襄二十一 宋華耦曰君之先臣督得罪於宋殤公

名在諸侯之策 左文十五

# 貽後

⑥貽厥孫謀以燕翼子 詩垂裕後昆書仲虺之誥克昌厥

後 詩邁迹自身克勤無怠以垂憲乃後書蔡仲之命身其

康強子孫其逢吉 書洪範

⑦不為子孫留財 列子揚朱

⑧故襲夫祿子孫賴之 左昭二十八晏子將死鑿楹納書

謂妻曰楹記日也子壯而示之 晏子春秋叔向曰昔樂武

子無一卒之田其官不備其宗器宜其德行順其憲則以

免於難及桓子驕泰奢侈貪欲無藝宜及於難而賴武之

德以沒其身 國語晉語 平當為相上欲封當病篤不應召



或謂當不為子孫耶當曰吾居大位而已負素餐起受處印還臥而死有餘罪今不起者所以為子孫也前漢互見

見恬退疏廣乞骸骨上賜黃金二十斤或勸廣以其金頗為子孫立產業者廣曰吾豈老諄不念子孫哉顧自有舊

田廬令子孫勤力其中足以共衣食與凡人齊今復增置之以為贏餘但教子孫怠惰耳賢而多財則損其志愚而

多財則益其過且夫富者眾之怨也吾既亡以教化子孫不欲益其過而生怨西漢疏廣傳韋玄成繼父賢為相鄒

嘗謳曰遺子黃金滿籝不如教子一經西漢本傳文帝戒太子曰即有緩急周亞夫真可任將兵及七國反書聞上

乃拜中尉周亞夫為太尉將軍往擊吳楚通監十六漢景紀薛廣德歸縣其安車以傳示子孫為榮通監二十一八漢元紀龐公釋耕於壟上妻子耘於前劉表問先生苦於畎

畝而不肯官祿後世何以遺子孫乎龐公曰世人皆遺之以危今獨遺之以安雖所遺不同未為無所遺也後漢楊震性廉子孫常蔬食步行或欲令開產業震曰使後世稱

為清白吏子孫以此遺之不亦厚乎東漢本傳宋高祖微時躬耕於丹徒及受命耕耨之具頗有存者皆命藏之以

留於後南史本傳張緒謂齊柳世隆曰君當以清名遺子孫耶荅曰一身之外亦復何須子孫不才將為爭府如其

才也不如一經南史高歡曰堪敵侯景者唯有慕容紹宗我故不貴之留以遺汝通監百五十九梁高祖互見遠慮

房彥謙謂子元齡曰人皆因祿富吾獨以官貧所遺子孫在於清白耳隋本傳上謂太子曰李世勣才智有餘然沙

與之無恩恐不能懷服我今黜之若其即行侯我死汝於後用為僕射親任之若徘徊顧望當殺之耳通監百九十

船後

九唐太宗紀純張嘉貞不營家產有勸其市田宅者嘉貞曰

吾貴為宰相何憂寒餒若其獲罪雖有田宅亦無所用比

見朝士廣占良田身沒之日適足為無賴子孫酒食之資

吾不取也聞者是之通監唐元宗紀互入知足夫名門右

族莫不由祖考忠孝恭儉以成立之唐書柳玭傳

○應劭曰書隱賢而覆厭黑幽通賦注見文選家世貧儉先

人遺訓常恐置產忘子孫故家無樵蘇之地元微之後貴

有金玉必不為汝藏崔昭生崔芸李兼生窟邱堆錢一百

屋破散何披得今雖未即死餓凍幾欲僵杜牧之互入不

克紹

# 貽禍

子 今不取後世必為子孫憂語

史 武子之施沒矣而厭薰之怨實彰左傳秦始皇宮室之麗

使其後曾不得聚廬而託處焉馳道之麗使其後曾不得邪徑而託足焉葬埋之侈使其後曾不得蓬顆蔽塚而託葬焉漢書賈山至言

集 應劭曰厭薰惡而害盈見文選幽通賦注燕翼無似終為

餒鬼劉賓客集閉門不解栽桃李滿地唯聞種疾藜白集古見欵怨

# 攝養

經 山下有雷頤君子以謹言語節飲食易頤卦君子齋戒

處必掩身毋躁止声色毋或進薄滋味毋致和節嗜欲定心氣記月令仲夏耳目聰明血氣和平記樂記姦聲亂色

不留聰明淫樂慝礼不接心術情慢邪僻之氣不設於身體同上剛氣不怒柔氣不懼四暢交於中而發作於外同上

上 不使放心邪氣得接焉同上

子 持其志毋暴其氣孟子養心莫善於寡慾孟子存其心

養其性孟子無以好惡內傷其身莊德充符篇合六氣之精 平易恬淡則憂惡不能入邪氣不能襲故其德全而神不虧又曰純粹而不雜靜一而不變淡而无為動而以天行此養神之道也又曰精神四達無所不極莊子刻意

篇邪汚之氣何一作無由得接荀子神清者嗜欲弗能亂

淮南子做真訓篇恬和養神則自安於內清虛摟心則不

誘於外神恬心清則形無累矣劉子

史子產曰節宣其氣勿使有所壅閉淤底以露其躰左昭

元養精游神西漢東方朔傳養身者以練神為寶東漢李

固孟說曰養性者善言不可離口新唐文孫思邈云養性

者先知自謹新唐書柳公度曰吾不以氣海暖冷物熟生

物不以元氣佐喜怒年八十九同上孫思邈曰人無故不

應餌藥藥有所偏助則藏氣為不平唐裴濟傳

德則夫欲養神必先須養氣修真秘訣

過之君子知形恃神以立神須形以存悟生理之易失知一

喜不留於意泊然無感而體氣和平執叔夜養生論頤性

養壽執叔夜幽憤詩王其愛玉躰俱耳黃髮期曹子建贈

白馬王吾學養生之術外榮華去滋味選絕交論不受其

身而嗇其神選運命論減書存眼力省事養心王劉賓客

頤性保命膏瓊飲露唐文粹新浴支體暢獨寢神魂安白

樂天漱吮甘液游泳和氣唐文粹葆和嗇神同上凝和葆

神同上

未朝汎掃身心澡瀹神氣東坡山芋麥麩都不用泥行露

宿終無疾栾城養氣如養兒東坡詩

### 不善攝養

經

孔子曰人有三死而非其命也已自取也夫寢處不睦

飲食不節逸勞過度者疾共殺之家語五儀形勞而不休

則弊精用而不已則勞勞則竭莊天運不可以無涯之智  
役有涯之身莊子五見傲戒耳目淫於聲色之樂則五藏  
動搖而不定矣五藏動而不定則血氣滔蕩而不休矣血  
氣滔蕩而不休則精神馳騁於外而不守馳騁於外而不  
守則禍福之至雖如丘山無由識之矣淮南子精神訓篇  
神躁則心蕩心蕩則形傷劉子目爰練色命曰伐性之斤  
耳樂淫聲命曰攻心之鼓口貪滋味命曰腐腸之藥鼻悅  
芳馨命曰燻喉之火身安輿駟命曰召慶之機劉子互見  
傲戒

**史**神太用則竭形太勞則敝形神騷動欲與天地長久非  
所聞也太史公自序盛食珍味以壞其口音樂婦人以壞

其耳高堂邃宇倉庫奴婢以壞其腹娛樂親酌以壞其心  
前漢賈誼五餌書以更脆之玉體犯勤勞之煩毒非所以

全壽命之宗也通鑑三十四漢宣紀多記損心多語耗氣

心氣內損形神外耗初雖無覺久且為弊唐書劉洎傳世  
嘗謂一怒不足以侵性一哀不足以傷身輕而肆之是猶

不識一溉之益而望嘉穀於旱苗者也嵇叔夜養生論神  
躁於中而形喪於外同上五情今已傷安得自能老孟東

野世人不察惟五穀是見聲色是耽目惑玄黃耳務淫哇  
滋味煎其府藏醴醪鬻其腸胃香芳腐其骨髓喜怒悖其

正氣思慮銷其精神哀樂殃其平粹夫以蕞爾之軀攻之  
者非一塗易竭之身而內外受敵身非木石其能久乎同

上夫藥以愈疾非朝夕常餌之物况金石酷烈有毒又益  
以火氣殆非人五臟所能勝也通鑑二百四十一唐穆宗

孫思邈有言藥勢有所偏助令人藏氣不平通鑑二百四  
十三唐穆宗積微成損積損成衰養生論

不善

**傳記** 肥肉厚酒務以自強命曰爛腸之食 呂氏春秋 膚氣  
內消有似尾閭之波神志外傷同乎牛山之木 文心雕龍  
**集** 出輿入輦命曰斃痿之機洞房清宮命曰寒熱之媒皓  
齒蛾眉命曰伐性之斧甘脆肥膿命曰腐腸之藥 選七發  
合冰炭以交戰祇自苦乎斲躬 白侍郎

**本朝** 煎烹心脾擢胃腎自今鬢髮驚秋霜 樂城集

# 愛君

**經** 申伯忠臣不欲離王室 詩崧高箋 雖爾身在外乃心罔  
不在王室 書康王之誥 昔先正保衡曰予弗佻斁后惟堯  
舜其心愧耻若撻于市 書說命下 武王有疾弗豫周公為  
三壇同墠冊祝曰以旦代某之身 書金縢 子曰事君欲諫  
不欲陳詩云心乎愛矣遐不謂矣中心藏之何日忘之 記

袁記 善則稱君過則稱已 記坊記 晉卅子申生使人辭於

狐突曰吾君老矣子少國家多難伯氏不出而圖吾君伯  
氏苟出而圖吾君申生受賜而死 記檀弓上

**子** 我非堯舜之道不敢以陳於王前 子公孫丑下 予三宿

而出晝於予心猶以為速王庶幾改之王如改諸則必反  
予夫出晝而王不予追也予然後浩然有歸志予雖然豈

舍王哉 孟子 不得於君則執中 孟子 宋国有田夫常衣赭

質僅以過冬 既春東作自曝於日不知天下之有廣廈  
室綿繡狐貉顧謂其妻曰負日之暄人莫知者以獻吾君

列子揚朱篇 身在江湖之上心居魏闕之下 莊子

**史** 荀林父進思盡忠退思補過社稷之衛也 左宣十二季

文子見有禮於其君者事之如孝子之養父母見无礼於  
其君者誅之如鷹鷂之逐鳥雀也 左文十八 屈原維放流

睠顧楚國繫心懷王不忘史記本傳不勝犬馬之心史

記霍青傳漢黯曰臣常有狗馬病不能任郡事願為中郎

出入禁闈補過拾遺史記本傳忠臣不先身而後君史

仲連傳望之雅意本朝西漢本傳願賜數刻之間極竭

筆之思退入三泉死亡所恨西漢鮑宣傳史魚既沒餘忠

未訖委柩後寢以死達誠沒黯身外思內發憤舒憂西漢

谷永傳忠臣雖在畎畝猶不忘君西漢劉向傳昔周公雖

老猶在京師明不離成周示不忘王室也仲山父異姓之

臣無親於宣就封于齊獨歎息永懷宿夜徘徊不忍遠去

西漢杜欽傳上官桀始以財力得幸為未央既令上嘗躰

不安及愈見馬馬多瘦上大怒曰今以我不復見馬耶欲

下吏桀頓首曰臣聞聖躰不安日夜憂懼意誠不在馬通

鑑二十二漢武紀互見誠實仲尼去魯曰遲而行孟子

卷之十四

去齊二宿而後出境言忠臣之於主慕恋不已荀悅漢紀

忠臣遠不忘君後漢注心皇極結情紫闥神明知之通鑑

七十二魏明紀高堂隆疾篤口占上疏曰臣寢疾有增无

損常恐奄忽忠款不昭天下乃天下之天下非獨陛下之

天下也通鑑七十三魏明累繭救宋重胠存楚南史梁武

紀陽固曰昔龔遂去國猶獻直言韋孟離朝不忘本國後

魏書為歌詩情不忘君人憐其忠唐書杜甫傳房元齡寢

疾抗表諫征高麗唐書李孝本二女配沒右軍上取之入

宮右拾遺魏暮上疏上即出孝本女擢暮為補闕曰可謂

愛我不忝厥祖矣通鑑二百四十五唐文宗

**傳記**王猛謂苻堅曰臣沒之後願不以晉為圖鮮卑羗虜

我之仇讎終為人患宜漸除之十六國春秋

**集**欲闔口無言兮嘗被君之厚德念三年之積思兮願一

愛君

見而陳辭楚辭馳心輦轂曹子建應詔詩若葵藿之傾葉  
太陽雖不爲之迴光然終向之者誠也曹子建投軀報明  
主身死爲國殤選樂府北門行潢汚易竭抑有朝宗之願  
犬馬無識猶知恋主之誠柳表子牟馳心於魏闕汲黯積  
思於漢廷同上微衷尚隔於戴盆積望徒懸於窺管葵藿  
之誠彌切犬馬之戀愈深同上揮涕戀行在道途猶恍惚  
杜工部中原消息斷黃屋至今安否同上生逢堯舜君不忍  
便永訣當今廊廟具構厦豈云缺葵藿傾太陽物性固莫  
奪同上炙背可以獻天子杜詩獨隨朝宗水赴海輸微涓  
李太白集萬里納忠一心稟命白樂天報國心皎潔念時  
涕汎瀾韓文仰長安而就日赴帝鄉以望雲駱賓王集微  
臣欲獻唐虞壽遙指南山對袞龍王維集平生五色線願  
補舜衣裳杜牧之簪組赤墀戀禽魚滄海心同上臣心竟

日下錢起詩

六

**李朝**鄭俠雖流落頓挫之餘一話一言未嘗不在君父鄭  
介夫言行錄雖伏櫪之馬悲鳴難戀於君軒而曳尾之龜  
涵養未離於靈沼歐公謝致仕表踟躕退舞敢忘堯帝之  
笙鏞翼翼歸飛亦在文王之靈沼元絳謝致仕表古今詩  
人衆多而杜子美爲首豈非以其流落飢寒終身不用而  
一飯未嘗忘君也東坡集進如孟子之敬王退若蕭主  
之憂國同上只因未報君恩重清夢時時到玉堂坡詩平  
生本朝心歲月閩江浪山谷詩去國雖千里分憂即近君  
山谷詩夕寐北河陰夢還甘泉宮詩集

記纂淵海卷第百十四



記纂淵海卷第百十五

人道部之四

憂世

**經**我瞻四方憂感靡所騁詩節南山憂心如惓不敢戲談

小雅節南山憂心如醒同上心之憂矣疾如疾首不遑假

寐變小雅小弁瘋憂以痒詩正月鼠思泣血詩雨无正一

夫不獲則曰時予之辜書說命下雖危起居竟信其志猶

將不忘百姓之病也記儒行

**子**孟子周流憂世思濟斯民孟子序經營八紘之內心勤

形瘵何勤如焉同上有安社稷臣者以安社稷為悅也孟

子思天下之民有不被堯舜之澤者若已推而納之溝中

孟子憂以天下孟子今世之仁人蒿目而憂世之患莊子

周行天下上說下教雖天下不取強聒而不舍莊子天下

篇揚子見路遠而哭為其可以南可以北墨子見練絲而

泣為其可以黃可以黑淮南子神農憔悴堯瘦矐舜黧黑

禹胼胝由此觀之則聖人之憂勞百姓甚矣淮南子修己

訓曰若營四海文中子

**史**楚子囊死遺言謂子庚必城郢君子謂子囊忠將死不

忘衛社稷左傳嫠不恤其緯而憂宗周之隕左昭二十四

憂國如飢渴西漢鮑宣傳孔席不煖墨突不黔西漢班固

傳陳蕃曰當今之世三空田野空朝廷空倉庫空後漢劉

寬任重責大憂心如醉東漢本傳陳蕃曰鄙諺言盜不過

五女門以女貧家也今後宮之女豈不貧國乎續漢書王

坦之卒臨終與謝安亘冲書惟以國家為憂言不及私通

鑑晉武紀昔要腹過於十圍今之瘦削裁二尺餘舊帶猶

憂世

存非為妄說救物故也通鑑百五九梁高祖吳漢病篤車

駕親臨問所欲言對曰臣愚無所知識惟願陛下慎無救而已通鑑四十二漢光武互見徇公志私房元齡留守京

師疾篤謂諸子曰今天下无事惟東征未已乃上表諫上謂公主曰彼病篤如此尚能憂我國家通鑑百九十九唐

太宗温彦博薨上謂侍臣曰彦博以憂國之故精神耗竭通鑑百九十五唐太宗上將發兵討新羅侍中張文瓘卧

疾在家自輿入見諫上乃止通鑑二百二唐高宗晉州男

子郇摸以麻辮髮持竹筐葦席哭於東市人問其故對曰願獻三十字一字為一事若言無所取請以席裹尸貯筐

中弃於野其言團者請罷諸州團練使也監者請罷諸道監軍使也通鑑百九十九唐高宗大曆元年紀

**傳記**家國惜惜如日將暮江南野錄載江南潘佑表

**集**生逢堯舜君不忍便永訣當今廊廟具構厦豈云缺堯

藿傾太陽物性固莫奪杜工部賢有不黔突聖有不煖燕同上安得壯士挽天河淨洗甲兵長不用同上幾時高議

排金門各使蒼生有環堵同上安得大厦千萬間盡庇天下寒士皆歡顏同上自古聖人賢士皆非有心求於聞用

也憫其時之不平人之不義得其道不敢獨善其身而必以兼濟天下也孜孜矻矻死而後已故禹過家門不入孔

席不暇煖而墨突不得黔彼二聖一賢者豈不知自安佚之為樂哉誠畏天命而悲人窮也韓文豈無成都酒憂國

只細傾杜工部集前古之興亡未嘗不經於心韓文疾与憂積柳文惟歌生民病願得天子知未得天子知甘受時

人嗤藥良氣味苦瑟淡音聲稀但自高聲歌庶幾天聽耳白樂天但傷民疾痛不識時忌諱同上安得萬里來蓋累

憂出

周四垠穩暖皆如我天下無寒人同上一夫不獲若納之  
於隍同上二月賣新絲五月糶新穀醫得眼下瘡刺却心  
頭肉我願君王心化作光明燭不照綺羅筵偏照處亡屋  
蕭夷中詩我若未忘世雖閉心亦忙世若未忘我雖退身  
難藏白樂天遂我一身逸不如萬物安元稹集以生人為  
心唐文粹負其道以環軫於諸侯皇甫湜志士白髮早孟  
東野夫仲尼之悲麟悲不在麟也墨翟之位絲位不在絲  
也且阮籍縱車於途途窮輒慟豈始慮不至耶蓋假事諷  
時致意於此耳沈顏登華首心為四海懸袁陽源白馬篇  
**本朝**貌先年老因憂國事與心違始乞身歐公挽杜祁公  
白髮憂民雖種種丹心許國尚拍拍歐公詩進不知富貴  
之為樂退不忘天下以為心同上中原未得平安報醉裏  
眉攢萬國愁介甫詩呂獻可病卧洛陽猶旦夕憤嘆以天

下事為憂過於在位任其責者溫公撰口口誨墓誌士當先  
天下之憂而憂後天下之樂而樂也言行錄范文正公

### 要君

**經**臧武仲以防求為後於魯雖曰不要君吾不信也語憲  
問子曰事君三違而不出竟則利祿也人雖不曰要吾弗  
信也記表記

**史**建章宮有物出狀似麋詔東方朔視之朔曰願賜美酒  
梁肉飲殮臣乃言詔曰可已殮又曰某所有公田魚池蒲  
葦數頃願以賜臣臣乃言詔曰可於是朔乃言史本傳姚  
崇知帝銳于治乃先設十事以堅帝意即陽不謝帝恠之  
崇因疏奏臣願以十事聞陛下度不可行臣敢辭帝曰朕  
能行之崇乃謝翌日同中書門下三品唐書姚崇傳

# 愛親

① 奉親

經 靡瞻匪父 靡依匪母 變小雅 小弁 肇牽車牛 遠服賈用 孝養歎父母 書酒誥 親有疾 飲藥子先嘗之 記曲禮下 啜菽飲水 盡其歡斯之謂孝 記檀弓下 下氣怡聲 問所欲而敬進之 柔色以溫之 記內則 脩髓以滑之 脂膏以膏之 同上 旨甘柔滑 同上

子 子路曰 昔者由也 事二親之時 常食藜藿之羹 為親負米百里之外 家語 事親若曾子可也 孟齊聘 曾子為卿 曰 吾不忍遠親而為人役 家語 君子不以天下儉其親 孟丑下 以孝敬易以孝愛難 莊子天運 曾子曰 吾及親仕 二千金而心樂後仕 三千鐘而不自吾愁 愁一本作悲 莊子

史 孝如曾參 義不離其親 一宿於外 史蘇秦傳 穎考叔曰

小人 有母皆嘗 小人之食矣 未嘗君之羹 請以遺之 左傳

隱元年 旦夕得甘 糝以養親 而供養備 史聶政傳 李密曰 為人子者 願為人兄 不願為人弟 兄者 事親之日長 弟者 事親之日短 蜀志 視省席 尊燥濕 數奏甘糝食物 西漢丙

吉傳 黃香九歲 失母 思慕號泣 事父竭力 致養冬無被褥 而盡滋味 暑扇床枕 寒則以身溫席 後漢 郗超黨桓氏 溫

不令其父 惜知之 將亡 出一箱書 付門生 曰 本欲焚之 恐

尊公以傷 愍為弊 我亡後 若大損眠食 可呈此箱 不爾便 燒之 愍後果 哀悼成疾 門生呈之 則悉與溫 往反密計 啗

於是大怒 曰 小子死恨 晚矣 更不復哭 晉書本傳 潘岳退 居于洛之 涑微雨 新晴 六合清朗 大夫人乃御板輿 升輿

軒 昆弟班白 兒童稚齒 稱萬壽 以獻觴 咸一懼而一喜 壽 觴舉 慈顏和浮 杯樂飲 絲竹駢羅 頓足起舞 抗音高歌 人

愛親

生安樂孰知其他晉書浩父病篤乃剪爪截髮夜在庭中

仰禱斗極為父請命求以身代叩頭流血歲餘不息家人

罕有知者北史魏崔浩傳承順顏色唐書崔日用傳

**傳**子春孝道義感神明方駕曾閔連蹤丁郭史通老萊

子楚人養親極甘脆年七十父母猶存萊子服荆蘭之衣

為嬰兒戲於親前高士傳

**樂**凡侍父母得如曾參可以無譏也韓文諱辨忘身展孝

白樂天眷戀庭闈心不違安選補亡詩馨爾夕膳絜爾晨

殮同上白華增勤綵衣是慕朝盟夕膳候色承顏夔夔齊

慄丞丞不匱有若楚老萊子之為嬰兒也陳子昂承歡膝

下馭藩輿於家園駱賓王

### 慢親

記百十五

**經**子非祗服厥父事東誥侮厥父母无逸

**子**好貨財私妻子不顧父母之養孟子高婁下妻子具而

愛衰於親荀子

**史**借父耰鋤慮有德色母取箕箒立而諍語西漢

**本**譬如人子得過於父母惟有恭順靜思引咎自責庶

幾可解今乃詰責奴婢恣行箠楚以此事親未有見赦於

父母者東坡集

### 教子

**經**教誨爾子式穀似之詩小宛

**子**君子之於子愛之而勿面使之而勿貌導之以道而勿

彊荀大畧人有教其子曰爾行矣慎無為善曰不為善將

為不善耶應之曰善且猶弗為况不善乎此全其天器者

慢親 教子

也淮南子

史狐突曰子之能仕父教之忠古之制也策名委質貳乃辟也父教子貳何以事君左傳二十三石碏曰臣聞愛子

教之以義方弗納於邪驕奢淫佚所自邪也左隱三漢孝

武曰生子當置之齊魯禮義之邦史記三王世家互見漸

樊宏戒子曰富貴盈溢未有能終者吾非不喜榮勢也

保身全已豈不樂哉後漢鄭玄以書戒子益恩曰入此歲

來已七十矣宿業衰落仍有失誤按之禮典便合傳家今

我告爾以老歸爾以事將閑居以安性覃思以精業自非

拜國君之命問族親之憂展敬墳墓觀省野物胡嘗扶杖

出門乎家事大小汝一承之家今差多於昔勤力務時無

恤飢寒菲飲食薄衣服節夫二者尚可令吾寡悔悔一作

恨若忽忘不識亦已焉哉東漢本傳范滂謂其子曰吾欲

使汝為惡惡不可為使汝為善則我不為惡通鑑

漢靈紀王昶名其兄子曰默曰沈名其子曰渾曰深為書

戒之曰吾以四者為名欲使汝曹顧名思義不敢違越夫

物速成則疾亡晚就則善終朝華之草夕而零落松栢之

茂隆冬不衰夫能屈以為伸讓以為得弱以為強鮮不遂

矣通鑑魏明魏文帝誡子曰父母於子雖肝腸腐爛為其

掩蔽不欲鄉黨士友聞其罪過然行之不改人自知之見

太平御覽馬援戒其子曰吾欲汝曹聞人過失如聞父母

之名耳可得聞口不得言也好議論人長短妄是非政法

此吾所大惡也寧死不願聞子孫有此行也龍伯高端厚

周慎口無擇言謙約節儉廉公有威吾愛之重之願汝曹

效之杜季良豪俠好義憂人之憂樂人之樂清濁無所失

父喪致客數郡畢至吾愛之重之不願汝曹效也效伯高

不得猶為謹敕之士所謂刻鵠不成尚類鶩者也效季良不  
得陷為天下輕薄子所謂畫虎不成反類狗者也東漢馬

援傳鄧禹內行淳備有子十三人各使守一藝修整閨門  
教養子孫皆可以為後世法通鑑四十一漢光武竇融曰

臣有子朝夕教導以經藝不令觀天文見讖記誠欲令  
恭肅畏事恂恂守道不願其有才能通鑑四十一王昶戒子

曰未有干名要利不厭而能保世持家永全福祿者也魏

本傳王昶明帝時為揚威將軍嘗為書誡其子及其兄子  
曰吾與時人從事雖出處不同然各有取穎川郭伯益好

尚通達敏而有知其為人洪曠不足輕貴有餘得其人重  
之如山不得其人忽之如草吾以是親之昵之不願兒

子為之比海徐偉長不沽高名不求苟得澹然自守惟道  
是務其有所是非則託古人以見意當時無所褒貶吾欽

記百五

七

之重之願兒子師之東平劉公幹博學才高識遠有大  
意然性行不均少所拘忌得失足以相補吾愛之重之不

願兒子慕之樂安任昭先淳粹履道內敏外恕推遜恭謙  
處不避澇而義勇在朝忘身為國吾友之善之願兒子薄

之魏志劉殷有七子五子各授一經一子授太史公一子  
授漢書一門之內七業俱興北州之學殷門為盛晉書顏

延之嘗早詣竣見賓客盈門竣尚未起延之怒曰汝出糞  
土之中升雲霞之上遽驕傲如此其能久乎通鑑百二十一

八世祖蔡王智積帝之弟子也有五男止教讀論語孝經  
不令交通賓客或問其故智積曰卿非知我者其意恐諸

子有才能致禍也通鑑百七十九隋紀朱仁軌嘗誨子弟終  
身遜路不枉百步終身遜畔不失一段唐書上謂侍臣曰  
朕自立太子遇物則誨之見其飯則曰汝知稼穡之艱難

教子

則常有斯飯矣見其乘馬則曰汝知其勞逸不竭力則常得乘之矣見其乘舟則曰水所以載舟亦所以覆舟民借舟也見其息於木下則曰木從繩則正后從諫則聖通鑑

百九十七唐太宗傳奕臨終戒其子曰無得學佛書時年

八十五通鑑百九十五唐太宗柳玘嘗戒其子曰凡門地

高可畏不可恃也立身行己一事有失則得罪重於他人

死無以見先人於地下門高則驕心易生族盛則為人所

嫉懿行實才人未信之少有疵類眾皆指之唐書本傳房

元齡嘗恐諸子驕侈席勢凌人乃集古今家誡為屏風曰

留意於此足以保躬矣唐書房元齡傳柳氏自公綽以來

世以孝悌禮法為士大夫所崇玘常戒其子曰凡門地高

可畏不可恃也通鑑二百二十九唐昭宗高洋太妃曰汝

父如龍兄如虎通鑑百六十三梁高祖李存審出於寒微

常戒諸子曰爾父少提一劍去鄉里四十年間位極將相

其間出萬死獲一生者非一破骨出鏃凡百餘因授以所

出鏃命藏之曰爾曹生於膏粱當知爾父起家如此也通

鑑二百七十二後唐莊宗

**傳記**今世小人知讀論語孝經尚為人師雖千載冠冕不

曉書記者莫不耕田養馬若能保數百卷書千載終不為

小人也諺曰積財千萬無過讀書北齊顏氏家訓鄭奕嘗

以文選教其子其兄曰何不教他讀孝經論語免他李沈

謝朝風詠月汚人行止外史構机互見評文

**集**燕山竇十郎教子有義方靈椿一株老丹桂五枝芳詩

道詩辛勤三十年始有此屋廬此屋豈無華於我自餘

韓退之示兒詩凡人不能教其子者非欲陷其罪惡但重

於訶怒傷其顏色不忍楚撻其肌膚耳當以疾病為喻安



得不用湯藥針艾救之哉 顏氏家訓

**本朝** 陳堯叟為樞密堯咨為節度使父秦公尚無恙每賓客至其家堯叟及伯季侍立左右坐客不安求去公曰此兒子輩耳故天下以秦公教子為法 神道碑 范忠宣戒子弟曰人雖至愚責人則明雖有聰明恕已則昏但當以責人之心責已以恕已之心恕人不患不到聖賢地位也 三朝言行錄

### 責子

**史** 范文子暮退於朝武子曰何暮也對曰有秦客廋辭於朝大夫莫之能對也吾知三焉武子怒曰大夫非不能也讓父兄也爾童子何知而三掩人於朝 國語 廋隱也謂以隱伏詭譎之言問於朝也石奮子孫有過失不誚讓為便

記百十五

九

坐對案不食子孫相責因長老謝乃許 前漢本傳 崔光悌之子鴻弱冠有著述拜給事中光悌謂次子曰阿鴻已摩天去汝可不勉哉 元魏

**集** 雖有五男兒總不好紙筆阿舒已二八嬾墮固無匹阿宣行志學而不愛文術雍端年十三不識六與七通子垂九齡但覓梨與栗 陶淵明責子詩 互入癡騃

### 知子

**史** 擇子莫若父 左昭十二 祈奚請老晉侯問嗣曰午也可 左傳 午奚子 陶朱公中男殺人囚於楚朱公曰千金之子不死於市令其少子往視之朱公長男固請欲行朱公不聽長男欲自殺其母為言朱公不得已而遣長子朱公長男竟持其弟喪歸朱公笑曰吾固知必殺其弟也彼非不

責子 知子

愛其弟故有所不能忍者也是少與我俱見其為生難故重弃財至如少弟者生而見我富乘堅驅良逐狡虎豈知財所從來故輕弃之非所惜吝前日吾所為欲遣少子固為其能弃財故也而長者不能故卒以殺其弟事之理也無足悲者吾日夜固以望其喪之來也史記越山家伍奢

曰尚為入仁呼必來負為人剛戾忍耐能成大事史記本傳趙括少學兵法父奢不能詰然不謂善曰兵死地而括

易言之敗趙必括也史記諸葛亮與兄瑾書曰瞻今已八歲而聰慧可愛嫌其早成恐不為重器耳蜀志本傳石苞

臨終分財與諸子獨不及崇其母以為言苞曰此兒雖小後自能立晉石崇傳索靖子緜少有逸群之畧靖每曰緜

廊廟之才州郡吏不足污吾兒也後至尚書左僕射晉書索緜傳王獻之七八歲時學書羲之密從後掣其筆不得

嘆曰此兒後當復有大名晉本傳晉王湛有隱德兄弟以為癡父昶獨異焉晉書姚弋仲遣其子襄救趙誠之曰冉

閔弃仁背義屠滅石氏汝才十倍於閔若不梟擒以來不必復見我也通鑑九十八晉穆紀帝嘗問顏延之曰竣得

臣筆測得臣文彙得臣義躍得臣酒南史宋顏延之傳初宋維父弁嘗曰維性踈險必敗吾家梁高祖梁彥光岐嶷

其母謂所親曰此兒有風骨當與吾家北史帝謂雄曰吾兒更事未多通鑑百七十五隋紀嚴武母裴氏不為其父

所吝獨厚其妾英武奮然以鐵錐就英寢碎其首挺之奇之曰真嚴挺之子新唐書本傳互入有子

**傳記**陳元方季方共論其父寔因曰元方難為兄季方難為弟世說上

為弟 世說上

# 昧於知子

**經**人莫知其子之惡詔大李互入私意

**史**陳思王植太祖常視其文曰汝倩人耳植跪曰出言為論下筆成篇固當面試時鄴銅雀臺新成太祖悉將諸子登使各賦植賦援筆立成太祖甚異之魏志山簡濤之子

也年二十餘濤不之知也簡嘆曰吾年幾三十而不為家

父所知晉書謝惠連幼有竒才不為父方明所知族兄靈

運謂方明曰阿連才悟如此而尊作常兒遇之南史以太

宗之明昧於知子唐書太宗贊令狐綯執政歲久子滿頰

招權受賄言事者攻其短絀為其子滿訟寃通鑑二百四

九唐宣宗互昇護短

**傳**萬迴師神若愚癡雖父母亦以豚犬畜之兄成役安

十一

西音問隔絕忽一日朝往夕返曰兄平善發書視之乃兄

手迹其家以萬里而迴故號萬迴開天傳信記段文昌鎮

成都子承式好獵丞相患之承式以所獲雉兔分送幕僚

各致書援引故事甚悉幕僚多不曉其義以呈丞相方知

其子博學說聞詞





